

廣

雅

疏

證

廣雅疏證卷第九上

高郵王念孫學

釋天

太初氣之始也生於酉仲清濁未分也太始形之始也
生於戌仲清者爲精濁者爲形也太素質之始也生於
亥仲已有素朴而未散也三氣相接至於子仲剖判分
離輕清者上爲天重濁者下爲地中和爲萬物

列子天瑞篇云太初者氣之始也太始者形之始也太
素質者質之始也氣形質具而未相離故曰渾淪又
云一者形變之始也清輕者上爲天濁重者下爲地
沖和氣者爲人故天地含精萬物化生易乾鑿度同
小雅采芣正義引詩緯云陽生酉仲陰生戌仲太平
御覽引詩推度災云陽本爲雄陰本爲雌物本爲魂

雄生八月仲節號曰太初又引乾鑿度云雌生戊仲號曰太始雄雌俱行三節而雄合物魂號曰太素

天地辟設人皇以來至魯哀公十有四年積二百七十

六萬歲分爲十紀曰九頭五龍攝提合雒連通序命循

蜚因提禪通疏訖

續漢書律歷志引蔡邕議云元命苞乾鑿度皆以爲開闢至獲麟二百七十六萬歲文選魯靈光殿賦注引春秋命歷序云皇伯皇仲皇叔皇季皇少皇五姓同期俱駕龍號曰五龍又云人皇九頭宋均曰九頭九人也各本攝謬作挺雒謬作雄連謬作建循蜚謬作脩輩疏訖謬作流記司馬貞補三皇紀引春秋緯云十紀一曰九頭紀二曰五龍紀三曰攝提紀四曰合維紀五曰連通紀六曰序命紀七曰循飛紀八曰因提紀九曰禪通紀十曰疏訖紀禮記正義引六藝論注云六紀者九頭紀五龍紀攝提紀合洛紀連通紀序命紀書正義引廣雅云十紀者九頭五龍攝提合雒連通序命循蜚因提禪通疏訖今據以訂正

年紀

東方昇天東南陽天南方赤天西南朱天西方成天西北幽天北方元天東北變天中央鈞天

呂氏春秋有始覽云天有九野中央曰鈞天東方曰蒼天東北曰變天北方曰元天西北曰幽天西方曰顙天西南曰朱天南方曰炎天東南曰陽天關元占經天占篇引尚書考靈曜云東方皞天西方成天南方赤天餘與呂氏春秋同蓋廣雅所本也皞與昇同楚辭天問九天之際安放安屬王逸注亦與考靈曜同變各本誤作變初學記太平御覽引廣雅竝作變今據以訂正又初學記太平御覽引廣雅赤天竝作炎天

九天

天圓廣南北二億三萬三千五百里七十五步東西短

減四步周六億十萬七百里二十五步從地至天一億

一萬六千七百八十七里半下度地之厚與天高等

億與億同各本國廣誘作圖闕周官大司徒疏開元
占經天占篇法苑珠林日月篇太平御覽竝引廣雅
天圖廣南北二億三萬三千五百里七十五步今據
以訂正又各本八十七里下脫半字大司徒疏引廣
雅從地至天一億一萬六千七百八十七里半闕元
占經初學記太平御覽法苑珠林引廣雅竝作八十
一里半雖一與七異文而里下皆有半字今據補案
此條天度里數與下條宿度里數不同則所采非一
人之說又案周髀經云天離地八萬里淮南子天文
訓云天去地億五萬里張衡靈憲云八極之維徑三
億三萬二千三百里南北則短減千里東西則廣增
千里自地至天半於八極則地之淡亦如之論衡說
日篇云天行三百六十五度凡積七十三萬里海外
東經注引詩含神霧云天地東西二億三萬三千里
南北二億三萬一千五百里藝文類聚引春秋元命
包云天周九九八十一萬里又引三五歷紀云天去

地九萬里開元占經天占篇引洛書甄耀度云天地相去十七萬八千五百里又引孝經援神契云周天七衡六閭者相去萬九千八百三十三里三分里之一合十一萬九千里又引關令內傳云天地南午北子相去九十一萬里東耶西西亦九十一萬里四隅空相去亦爾天去地四十萬九千里以上諸書所言天度與廣雅或大同小異或相去縣絕其廣袤里數不知據恒星天言之乎抑據日月五星天言之乎既無定法可憑今皆存而不論

天度

東方七宿七十五度南方七宿百一十二度西方七宿八十度北方七宿九十八度四分度之一四方凡三百六十五度四分度之一一度二千九百三十二里二十八宿間相距積一百七萬九百一十三里徑三十五萬

六千九百七十一里

此謂赤道度也。開元占經二十八宿占引劉向洪範傳云：東方七宿七十五度，北方七宿九十八度，西方七宿八十五度，南方七宿百一十二度。淮南子天文訓云：星分度角十二亢九氏十五房五心五尾十八箕十一四分一斗二十六牽牛八須女十二虛十危十七營室十六東壁九奎十六婁十二胃十四昂十一畢十六觜嚙二參九東井三十三與鬼四。桺十五七星七張翼各十八軫十七月令正義引尚書考靈耀云：周天三百六十五度四分度之一。度二千九百三十二里，千四百六十一分里之三。百四十八。周天百七萬一千五百六十三里，說與廣雅小異。又案徑三十五萬六千九百七十一里，各本皆脫一字。周官大司徒疏引廣雅已與今本同。今以圖三徑一計之，當有一字。續漢書郡國志注引帝王世紀：周天積一百七萬九百一十三里，徑三十五萬六千九百七十一里。義本廣雅今據補。

宿度

東北條風東方明庶風東南清明風南方景風西南涼風西方閭闔風西北不周風北方廣莫風

淮南子天文訓云何謂八風距口冬至四十五日條風至四十五日景風至四十五日明庶風至四十五日涼風至四十五日廣莫風至四十五日閭闔風至四十五日不周風居西北維主殺生廣莫風居北方廣莫者言陽氣在下陰莫陽廣大也條風居東北維主出萬物條之言條治萬物而出之明庶風居東方明庶者明衆物盡出也清明風居東南維主風吹萬物景風居南方景者言陽氣道竟涼風居西南維主地地者沈奪萬物氣也閭闔風居西方闔者倡也闔者藏也言陽氣道萬物闔闔黃泉也北堂書鈔引春秋考異鄧云條者生也明庶者迎衆也清明者精芒也景者大也言陽氣長養也涼者寒也陰氣行也閭闔者咸收也言陽氣不周者不交也言陰陽未合化也廣莫者大莫也閭闔陽氣也隱五年左傳正義引易通卦驗條風作調風說文作融風各本西南西北下竝有方字後人

廣雅疏證

卷第九上

四

以意加之也上文釋九天之名四隅皆省一方字此條內東北條風東南清明風亦無方字今據刪

八風

昌光握譽可錯持勝履子

後漢書班固傳注引河圖云昌光出軫五星聚井太平御覽引符瑞圖云昌光者瑞光也見於天漢高受命昌光出軫晉書天文志云昌光赤如龍聖人起而受終則見易是類謀云王祭可錯一角九尾握譽持勝履子皆未詳

祥氣

格擇旬始天狗枉矢氛祲倍譎冠珥

擇或作澤司馬相如大人賦云建格澤之脩竿兮光耀之采旄旬始始以爲慘兮曳彗星而爲鬚說苑辨物篇云機槍彗李旬始枉矢蚩尤之旗皆五星益縮之所生也開元占經妖星占篇引黃帝占云倍澤

者如炎火之狀上黃下白從地而上下大上銳又
巫咸云旬始出於北斗旁狀如雄雞其怒青黑象伏
龍柱矢類大流星色蒼黑蛇行望之如有毛目畏數
匹著天史記天官書與巫咸黃帝占同釋名云極矢
言其光行若射矢之所至也開元占經流星占篇彗
巫咸云流星有光見人面墜地若不星有聲其下止
名曰天狗天官書云天狗狀如大奔星有聲其下止
地類狗所墜及望之如火光炎炎街天其下圜如數
頃田處上兌有黃色說文氛祥氣也祲精氣成祥也
昭十五年左傳吾見赤黑之祲非祭祥也巷氣也杜
注云祲妖氛也氛惡氣也周官眠祲注云祲陰陽氣
相侵漸成祥者倍字或作背誦字或作銷瑒備又作
穴呂氏春秋明理篇日有倍倘有暈珥高誘注云皆
日旁之危氣也在兩旁反出為倍在上反出為倘在
上內向為冠兩旁內向為珥開元占經口占篇引京
氏云氣中赤外青曲向外名為背又引石氏云氣青
赤曲向外中有一橫狀如帶鉤名為瑒氣青赤立
日上名為冠日兩旁有氣短小青赤名為珥淮南子
覽冥訓云背誦見於天漢書天文志暈適背穴抱珥
重規孟康曰穴多作鐫其形如玉鐫也如淳曰有氣

刺日爲鑄。鑄，扶傷也。諸家說，誦字之義各異。未知孰是。各本倍誦二字，誤在天狗之上。今訂正。

祆氣

赤霄濛濛朝霞正陽淪陰沆瀣剋倒景

淮南子：人閒訓，鴻鵠背負青天，膺摩赤霄，高誘注云：赤霄，飛雲也。楚辭：九歎云：譬若王喬之乘雲兮，載赤霄而凌太清。又云：貫濛濛以東，揭兮王逸注云：濛濛，氣也。倒言之，則曰濛濛。字或作厖，鴻張衡思元賦云：厖厖，鴻於宕冥是也。楚辭：遠遊，淹六氣而飲沆瀣兮，漱正陽而含朝霞。王注云：陵陽子明經言：春食朝霞，朝霞者，日始出赤黃氣也。秋食淪陰，淪陰者，日沒以後赤黃氣也。冬食沆瀣，沆瀣者，北方夜半氣也。夏食正陽，正陽者，南方日中氣也。并天元地黃之氣，是爲六氣也。漢書：司馬相如傳：呼吸沆瀣兮，餐朝霞。應劭注：與王逸同。卷一云：淪，沒也。日沒以後之氣，故曰淪陰。淪，曹憲音倫。各本淪字誤作淪，音內倫字誤作淪。又誤入正文。今訂正。楚辭：遠遊云：上至剋，剋兮降望大壑。漢書：司馬相如傳：貫剋，剋之倒景兮。服虔曰：

人在天上，下向視日月，故景倒在下也。張注引陵陽子明經云：列缺氣去地二千四百里，倒景氣去地四千里，其景皆倒在下。

常氣

一穀不升曰歉，二穀不升曰饑，三穀不升曰饑，四穀不升曰歉，五穀不升曰大侵。

此襄二十四年穀梁傳文也。穀梁傳：歉作饑，歉作康。范甯注云：歉不足貌，康虛也。侵，傷也。案：歉饑饑歉，皆虛乏之名。饑與飢同意。卷三云：歉，莖少也。莖與饑同意。歉者，空聲之轉。說文：歉，飢虛也。淮南子：天文訓云：三歲而一饑，六歲而一衰，十二歲而一康。韓詩外傳：歉作饑，歉作荒。荒，亦歉也。爾雅：源，虛也。郭璞音義云：本或作荒。泰九二：包荒，鄭讀為康。

□□□

廣雅疏證

卷第九上

六

右影宋本皇甫本畢本吳本皆缺三字胡本據
爾雅補災字與所缺字數不合郎本於災下加
氣字其謬滋甚
今仍缺三字

蒼曰靈威仰赤曰赤熒怒黃曰含樞紐白曰白招矩黑

曰叶光紀

薛綜注東京賦引河圖云蒼帝神名靈威仰赤帝神
名赤熒怒黃帝神名含樞紐白帝神名白招矩黑帝
神名協光紀周官大宗伯疏引春秋運斗樞云大微
宮有五帝座星又引文耀鉤云春起青受制其名靈
威仰夏起赤受制其名赤熒怒秋起白受制其名白
招矩冬起黑受制其名叶光紀季夏六月火受制其
名含樞紐拒與矩同
協與叶同字亦作汙

五帝號

立春春分東從青道二出黃道東交於房二度中立夏

夏至南從赤道二出黃道南交於七星四度中立秋秋
分西從白道二出黃道西交於胃十二度中立冬冬至
北從黑道二出黃道北交於虛二度中四季之月還從
黃道

唐書大衍曆議引洪範傳云日有中道月有九行中
道謂黃道也九行者青道二出黃道東赤道二出黃
道南白道二出黃道西黑道二出黃道北立春春分
月東從青道立夏夏至月南從赤道立秋秋分月西
從白道立冬冬至月北從黑道漢書天文志略同大
衍曆議又云推陰陽歷交在冬至夏至則月行青道
白道所交則同而出入之行異故青道至春分之宿
及其所衝皆在黃道正東白道至秋分之宿及其所
衝皆在黃道正西若陰陽歷交在立春立秋則月循
赤道黑道所交則同而出入之行異故赤道至立夏
之宿及其所衝皆在黃道西南黑道至立冬之宿及
其所衝皆在黃道東北若陰陽歷交在春分秋分則

廣雅疏證

卷第九上

七

月行赤道黑道所交則同而出入之行異故赤道至夏至之宿及其所衝皆在黃道正南黑道至冬至之宿及其所衝皆在黃道正北若陰陽厯交在立夏立冬則月循赤道白道所交則同而出入之行異故赤道至立春之宿及其所衝皆在黃道東北其大紀皆兼二道而實分主八節合於四正四維按陰陽厯中終之所交則月行正當黃道去交七日其行九十一度齊於一象之率而得八行之中八行與中道而九是謂九道

月行九道

正月不溫七月不涼二月不風八月雷不藏三月風不衰九月無降霜四月雷不見十月蟄蟲行五月陽暑不發十一月不合凍六月浮雲不布十二月草不蹇七月白露不降正月有微霜八月浮雲不歸二月雷不行九

月物不凋三月草木傷十月流火不定四月蟪蛄不育
十一月寒不降五月雨雹十二月萌類不見六月五穀
不實

正月建寅七月建申申與寅衝故七月不涼與正月
不溫相應也下皆放此淮南子時則訓云孟春與孟
秋爲合仲春與仲秋爲合季春與季秋爲合孟夏與
孟冬爲合仲夏與仲冬爲合季夏與季冬爲合故正
月失政七月涼風不至二月失政八月雷不藏三月
失政九月不下霜四月失政十月不凍五月失政十
一月蟄蟲冬出其鄉六月失政十二月草木不脫七
月失政正月大寒不解八月失政二月雷不發九月
失政三月春風不濟十月失政四月草木不實十一
月失政五月下雹霜十二月失政六月五穀疾狂義
與此條相近

月衝

衡字亦作衝漢書五行志引京房易傳云悅再
重赤而專至衝旱孟康注云專員也若五月悅
再重赤而員至十一月旱也案十一月與五月
相對故曰衝衝者相對之名淮南子天文訓云
歲星之所居
其對爲衝

日月五星行黃道始營室東壁奎婁胃之陽入昴畢閒
行觜觿參之陰度東井輿鬼行柳七星張翼軫之陰入
角亢閒貫氐房出心尾箕之陰入斗牽牛閒行須女虛
危之陽復至營室

漢書天文志云中道者黃道一曰光道光道北至東
井南至牽牛東至角西至婁日之所行爲中道月五
星皆隨之也開元占經曰占篇引河圖云日月五星
同道過牽牛須女虛危營室東壁奎婁胃昂皆行其
南之九尺畢北七尺觜觿參北一丈三尺貫東井出
輿鬼南六尺出柳北六尺出七星張北一丈三尺出

翼軫北一丈二尺，貫角亢，出氐南二尺，出房左，右股間，出心北二尺，出尾北九尺，出箕北六尺，貫斗，復至牽牛。此日月五星行常道也。各本皆脫亢字，今補。

七耀行道

山神謂之离

說文：离，山神獸形，字亦作螭。文十八年左傳：投諸四裔，以禦魑魅。周官：凡以神仕者，疏引服虔注云：螭，山神獸形，或曰如虎而噉虎，魅，怪物，或曰人面獸身而四足，好惑人，山林異氣所生，為人害者。

河伯謂之馮夷，江神謂之奇相

莊子：大宗師篇，馮夷得之以遊大川。司馬彪注：引清冷傳云：馮夷，華陰潼鄉隄首人也，服八石，得水仙，是為河伯。竹書紀年：帝芬十六年，洛伯川與河伯馮夷鬪，文選：七發注：引淮南子作馮遲，海內北經：從極之淵，維水夷，桓都：馮水夷，人面，乘兩龍。郭璞注云：水夷，馮夷也。穆天子傳：陽紆之山，河伯無夷之所都居。郭

注云無夷馮夷也史記封禪書索隱引庚仲雍江記云奇相帝女也卒爲江神郭璞江賦奇相得道而宅神乃協靈靈於湘城義本此

物神謂之魑

說文魑老精物也或作魅周官凡以神仕者以夏日至致地示物魑鄭注云百物之神曰魑餘見上山神謂之裔下各本魑字調作鬼今訂正

土神謂之獯羊水神謂之罔象木神謂之畢方火神謂之游光金神謂之清明

魯語季桓子穿井獲如土缶其中有羊焉使問之仲尼對曰木石之怪夔罔兩水之怪龍罔象土之怪墳羊韋昭注云或云罔象食人一名沐腫唐固注云墳羊雌雄未成者淮南子汜論訓山出泉陽水生罔象木生畢方井生墳羊高誘注云罔象水之精也畢方木之精也狀如鳥青色赤腳一足不食五穀墳羊土

之精也。墳與墳通。法苑珠林六道篇引夏鼎志云。罔象如三歲兒。赤目黑色。大耳長臂赤爪。索縛則可得。會張衡東京賦作罔像。並與罔象同。韓非子十過篇云。畢方竝鑄。蚩尤居前。畢字或作必。藝文類聚引尸子云。木之精氣爲必方。又法苑珠林審察篇引白澤圖云。火之精名曰必方。狀如鳥。一足。以其名呼之。則去。又云。上有山林。下有川泉。地理之閒。生精名曰必方。狀如鳥。長尾。薛綜注東京賦云。畢方。老父神。如鳥。一足。兩翼。常銜火。在人。家作怪災。說並與廣雅異。東京賦。燿野仲而燬游光。薛綜注云。野仲。游光。惡鬼也。兄弟八人。常在人閒作怪害。馬融廣成頌云。拊罔兩。拂游光。金精爲清明。諸書說游光亦與廣雅異。

異祥

漢書五行志云。異物生。謂之貴。自外來謂之祥。

朱明曜靈東君日也

楚辭天問曜靈安藏王逸注云曜靈日也九歌有東君篇史記封禪書晉巫祠五帝東君雲中司命巫社巫族人先炊之屬索隱引廣雅又云東君亦見歸藏易

夜光謂之月

楚辭天問夜光何德王逸注云夜光月也

天河謂之天漢

夏小正傳云漢也者天漢也小雅大東傳云漢天河也

震實霆霹靂也

賁之言運轉也說文齊人謂雷為賁古文作𩇛賁之言噤然也廣韻云霆雷也出韓詩霹之言研訖也玉篇霹補孟切雷也集韻云雷聲也影宋本皇甫本霹字誤作霽又誤在雷也二字之下畢吳諸本皆誤作霽今訂正

雲
運也雨渠也

呂氏春秋開道篇雲氣西行云云然冬夏不輟高誘注曰云運也周族運布膚寸而合西行則雨也藝文類聚引禮統云雲者運氣布恩替博也初學記引春秋說題辭云雲之爲言運也含陽而起以精運也各本皆脫雲字今補

晷柱景也

說文晷日景也柱謂景柱也淮南子倣真訓云以鴻濛爲景柱又繆稱訓列子觀景柱而知持後矣高誘注云先有形而後有景形可止而景不可傷

風師謂之飛廉雨師謂之萍翳雲師謂之豐隆

周官大宗伯以槱燎祀司中司命風師雨師與風同風師一曰風伯韓非子十過篇云風伯進掃雨師灑道楚辭離騷後飛廉使奔屬王逸注云飛廉風伯也九辯云通飛廉之衙衙萍字或作萍又作屏楚辭

天問薛號起雨王注云薛翳雨師名也文選洛神賦注引虞喜志林亦以爲雨師然王注九歌雲中君又云雲神豐隆也一日屏翳漢書司馬相如傳召馮翳誅風伯刑雨師應劭曰屏翳天神使也韋昭曰雷師也曹植詰咎文云屏翳司風洛神賦云屏翳收風則又以爲風師未知孰是楚辭離騷吾令豐隆乘雲兮王注云豐隆雲師一日雷師案開元占經石氏中官占引石氏云五車東南星名曰司空其神名曰雷公西南星名曰卿其神名曰豐隆則豐隆雷公非一神也若淮南子天文訓季春三月豐隆乃出以將其雨張衡思元賦豐隆軒其震霆兮則並以豐隆爲雷師然離騷既云豐隆乘雲九章又云願寄言於浮雲兮遇豐隆而不將則以豐隆爲雲師於義爲長司馬相如大人賦云貫列缺之倒景兮涉豐隆之滂濞揚雄河東賦云雲霓乘而來迎兮澤滲漉而下降鬱蕭條其幽謁兮潮汎沛以豐隆皆以豐隆爲雲也

日御謂之羲和月御謂之望舒

楚辭離騷吾令羲和弭節兮王注云羲和日御也初學記引淮南子天文訓爰止羲和爰息六螭許慎注

云日乘車駕以六龍羲和御之離騷前望舒使先驅兮王注云望舒月御也漢書揚雄傳望舒弭轡服虔注亦云

青龍天一太陰太歲也

爾雅大歲在寅曰攝提格淮南子天文訓太陰在寅歲名曰攝提格開元占經歲星占篇引許慎注云太陰謂太歲也天文訓又云天神之貴者莫貴於青龍或曰天一或曰太陰太平御覽引尚書考靈耀青龍甲寅攝提格華鄭注云青龍歲也歲即太歲周官保章氏十有二歲之相鄭注云歲謂太歲歲星為陽右行於天太歲為陰左行於地十二歲而小周是也或曰攝提開元占經歲星占引甘氏云攝提格之歲攝提在寅歲星在丑是也青龍或曰倉龍漢書王莽傳歲在壽星倉龍癸酉服虔注云倉龍太歲是也太陰或曰歲陰史記天官書云攝提格歲歲陰左行在寅歲星右轉居丑是也

甲乙為幹幹者日之神也寅卯為枝枝者月之靈也

大戴禮曾子天圓篇云陽之精氣曰神陰之精氣曰靈各本枝下脫者字今補

甲剛乙柔丙剛丁柔戊剛己柔庚剛辛柔壬剛癸柔

淮南子天文訓云凡日甲剛乙柔丙剛丁柔以至於癸曲禮云外事以剛日內事以柔日

甲齊乙東夷丙楚丁南夷戊魏己韓庚秦辛西夷壬衛

癸北夷子周丑狄寅楚卯鄭辰晉巳衛午秦未宋申齊

酉魯戌趙亥燕

淮南子天文訓漢書天文志及開元占經日辰占邦篇引石氏說並與廣雅略同石氏及天文志寅楚作寅趙未宋作未中山石氏乙東夷作乙東海王衛作壬燕戌趙作戌越天文訓癸北夷作癸趙天文志壬衛作壬燕趙辰晉作辰邯鄲戌趙作戌吳越亥燕下有代字

角亢鄭氏房心宋尾箕燕斗牽牛額女吳越虛危齊營

室東壁衛奎婁魯胃昂畢趙觜觜參魏東井與鬼秦柳

七星張周翼軫楚

周官保章氏以星土辨九州之地所封封域皆有分
星以觀妖祥鄭注云大界則曰九州州中諸國之封
域於星亦有分焉其書亡矣堪輿雖有郡國所入度
非古數也今其存可言者十二次之分也星紀吳越
也元枵齊也娵訾衛也降婁魯也大梁趙也實沈晉
也鶉首秦也鶉火周也鶉尾楚也壽星鄭也大火星
也析木燕也案襄九年左傳云商主大火二十八年
傳云歲棄其次而旅於明年之次以害鳥帑周楚惡
之昭元年傳云辰爲商星參爲晉星十年傳云顓頊
之虛姜氏任氏寔守其地十七年傳云衛顓頊之虛
也其星爲大水周語云歲在鶉火則我有周之分野
也晉語云實沈之虛晉人是居此皆星次分野之可
據者也考淮南子天文訓漢書地理志史記天官書
正義引星經及晉書天文志所載范蠡鬼谷先生張
良諸葛亮譙周京房張衡諸家說星次分野並與廣
雅略同惟天文訓以斗牽牛爲越之分野須女爲吳

之分野。晉畢昇爲魏之分野。晉魏參爲趙之分野。史記正義引星經以類女爲齊之分野。危爲衛之分野。畢爲魏之分野。漢書地理志以氏爲鄭之分野。斗爲吳之分野。牽牛類女爲越之分野。晉書天文志所載諸說以胃爲魯之分野。則與廣雅小異。襄九年左傳正義云天有十二次。地有九州。以此九州當彼十二次。何必所分皆當。星紀在於東北。吳越實任東南。魯衛東方諸侯。遙屬戌亥之次。漢書地理志分羣國以配諸次。其地分或多或少。韓首極廣。鶉火甚狹。徒以相傳爲說。其源不可得而問也。各本吳下脫越字。荷下脫職字。今補類。誤作類。今訂正。

北斗七星一爲樞二爲旋三爲機四爲權五爲衡六爲開陽七爲搖光樞爲雍州旋爲冀州機爲青兗州權爲徐揚州衡爲荊州開陽爲梁州搖光爲豫州

曲禮正義引春秋運斗樞云北斗七星第一天樞第二旋第三機第四權第五衡第六開陽第七搖光第

歲星謂之重華或謂之應星

一至第四爲魁第五至第七爲杓開元占經石氏中
官占引河圖云北斗第一星開樞受第二星提旋序
第三星機耀緒第四星權拾取第五星玉衡拒第六
星開陽紀第七星搖光吐又引春秋文曜鉤云華岐
以北積石龍門西至三危之野雍州屬魁星太行以
東至碣石王屋砥柱冀州屬旋星三河雷澤東至海
岱以北兗青之州屬機星蒙山以東至羽山南至江
會稽震澤徐揚之州屬權星大別以東至雲夢九江
衡山荊州屬衡星荊山西南至岷山北距烏鼠梁州
屬開陽星外方熊耳以東至泗水陪尾豫州屬杓星
應星罰星而誤今訂正

營惑謂之罰星或謂之執法

營或作熒。開元占經熒惑占篇引韓揚云：熒惑之爲言熒惑，以象譏賊，進退無常，不可爲極。太平御覽引黃石公陰謀秘訣法云：營惑者，御史之象，主禁令刑罰。天官書正義引天官占云：熒惑爲執法之星。

鎮星謂之地侯

鎮，或作填。開元占經填星占篇引荊州占云：填星，其行歲填一宿，故名填星。又引石氏云：填星，一名地侯。天官書同。太平御覽引春秋元命包云：詹諸精流，生織女，立地侯。宋均注云：地侯，鎮星別名也。

太白謂之長庚或謂之大器

開元占經太白占篇引石氏云：太白者，大而能白，故曰太白。一曰大器。小雅大東篇：東有啟明，西有長庚。毛傳云：日且出謂明星爲啟明，日既入謂明星爲長庚。庚續也。天官書云：太白出東方，庫近，日曰明星，高遠，日曰大器。各本大器作太器，因上文太白而誤，今訂正。

辰星謂之孛星

或謂之

免星或謂之鉤星

辰者時也。開元占經辰星占篇引洪範五行傳辰星常見於四仲以正四時是也。各本彙星皆作鈎星。下文又云或謂之鈎星。兩鈎字重出。文選景福殿賦注引廣雅云辰星或謂之鈎星。正與下文相合。則上鈎字誤也。天官書索隱引天官占云辰星一名彙星。開元占經引廣雅云辰星謂之彙星。今據以訂正。天官書云免七命曰小正辰星。天免安周星細爽能星鈎星。索隱云謂免星凡有七名。命者名也。各本免星上脫或謂之三字。今補。晏子春秋外篇管吾見鈎星在四心之間。地其動乎。淮南子道應訓鈎作句。四作與。高誘注云句星客星也。騏房也。句星守房心則地動也。案句星謂辰星也。天官書天文志並云辰星出房心間地動是其證。

大角謂之棟星

開元占經石氏中官占引石氏云大角一星在攝提間。天官書云大角者天王帝坐廷。開元占經引甘氏云大角者棟星也。又引詩紀□。樞云大角爲天棟以正紀綱。

天宮謂之紫宮

開元占經石氏中官占引石氏云紫宮垣十五星西蕃七東蕃八天官書云環之匡衛十二星藩臣皆曰紫宮淮南子天文訓云紫宮者太一之居也開元占經引樂汁圖云天宮紫微宮也

參旗

此條有闕文不可以意增姑記所聞以俟考正開元占經石氏外官占引石氏云參旗九星在參西一名天弓晉書天文志云參旗一曰天旗一曰天弓天官書天廟西有句曲九星三處羅一曰天旗二曰天苑三曰九游參旗二字各本誤入上條紫宮之上太平御覽引廣雅天宮謂之參旗紫宮則所見已是誤本今訂正

參伐謂之大辰

參與伐相連言參可以見伐言伐亦可以見參召南小星篇維參與昴毛傳云參伐也考工記熊旗六旗

以象伐也。鄭注云：伐屬白虎宿，與參連體而六星開元占經西方七宿占引石氏云：參十星，天官書云：參爲白虎三星直是也。下有三星，兕曰罰，其外四星左右肩股也。罰與伐同。昭十七年公羊傳：大火爲大辰，伐爲大辰，北辰亦爲大辰。何休注云：伐謂參伐也。大火與伐，天所以示民時早晚。天下所取正，故謂之大辰。辰，辰時也。晉語：辰參天之大紀也。韋昭注云：所以紀天時。

太微

此條有闕文。開元占經石氏中官占引石氏云：太微十星在翼軫北。天官書云：太微三光之廷，匡衡十二星藩臣。西將東相，南四星執法。淮南子天文訓云：太微者，太一之庭也。周官大司馬疏引春秋元命包云：太微爲天庭。開元占經引孝經緯亦云：太微，天廷。漢書續漢書天文志並同。然則此條原文或是太微謂之天廷與。

房謂之明堂

爾雅天駟房也天官書云房爲天府日夫駟開元占經東方七宿占引石氏云房四星又云房爲天子明堂昭七年公羊傳疏引星備同又引文耀鉤云房心爲明堂中央大星天王位漢書李尋傳云太白隨營惑入天門至房而分不敢當明堂之精

額女謂之婺女

額通作須呂氏春秋有始覽北方曰元天其星婺女虛危營室淮南子天文訓作須女開元占經北方七宿占引石氏云須女四星又引巫咸云須女天女也

參謂之實沈

參已見上文昭元年左傳云后帝遷實沈于大夏主參唐人是因故參爲晉星晉語云實沈之虞晉人是居開元占經分野略例云實沈參之神也因名次要

鼎謂之旄頭

爾雅大梁，昴也。西陸，昴也。召南小星，篇維參與昴。毛傳云：昴，留也。開元占經西方七宿占引石氏云：昴七星。天官書云：昴曰髦頭。天文志：髦作旄。晉書天文志云：昴爲旄頭。昴畢間爲天街。天子出旄頭畢以前，此其義也。

東井謂之鶉首

開元占經南方七宿占引石氏云：東井八星。天官書云：東井爲水事。漢書律歷志云：鶉首，初東井十六度，終於柳八度。開元占經分野略例云：南方七宿，其形象鳥，以井爲冠，以柳爲口。鶉，鳥也。首，頭也。故曰鶉首。張謂之鶉尾。

張謂之鳥拏

張者，鳥喙之名。爾雅云：亢，鳥喙。其根，喙根。通作張。索通作素。天官書云：柳爲鳥注。七星頸，張素間。元占經引石氏云：張六星。晉語云：歲及鶉尾，律志云：鶉尾初張十八度，終於軫十一度。

軫謂之鳥拏

開元占經引石氏云軫四星天官書云軫爲車桴通
作帑襄二十八年左傳歲棄其次而旅於明年之次
以害鳥帑周楚惡之杜注云歲星棄星紀之次客在
元枵失次於北禍衝在南南爲朱鳥鳥尾曰帑鶉火
鶉尾周楚之分故周楚受其咎正義云於人則妻子
爲帑於鳥則鳥尾爲帑妻子爲人之後鳥尾亦鳥之
後故俱以帑爲言也

營室謂之豕韋

爾雅營室謂之定酈風定之方中箋云定星昏中而
正四方於是可以營制宮室故謂之營室開元占經
北方七宿占引石氏云營室二星天官書云營室爲
清廟曰離宮閭道昭十一年左傳云歲在豕韋案今
衛輝府滑縣古豕韋氏國春秋時衛地也衛爲營室
之分野故營室謂之豕韋猶實沈主參而因謂參爲
實沈也

北辰謂之曜魄

爾雅北極謂之北辰昭十七年公羊傳疏引孫炎注云北極天之中以正四時謂之北辰開元占經石氏中官占引石氏云北極五星在紫微宮中又引黃帝占注云北極紐星天之樞也天運無輟而極星不移案極星卽北辰也古者極星正當不動之處故曰居其所而衆星共之爾雅北極謂之北辰與角亢以下同任星名之列公羊傳以北辰心伐爲三大辰鄉飲酒義謂之三光皆指極星言之考工記匠人夜攷之極星以正朝夕卽注云極星謂北辰九爲明據賈逵張衡蔡邕王蕃陸績以紐星爲不動處是也梁祖暉測不動處距紐星一度有餘今紐星又移而不動之處乃在鉤陳大星與紐星之間此因恆星東徙是以恆星移度後儒遂謂經文之北辰皆指無星之處言之失其旨矣呂氏春秋有始覽云衆星與天俱遊而極星不移高誘注云極星北辰星也語曰北辰居其所而衆星拱之故曰不移蓋周秦之間極星未移故呂氏之言正與考工相合故高注引論語以證極星之不移後人見極星已移乃妄改之曰極星與天俱遊而不移極星不移或又改爲天樞不移以弭合無星之說而不知其與高注大相抵牾也凡言辰者皆在天

成象而可以正時者也。日月星辰謂之三辰。日月所會之宿謂之辰。極星謂之北辰。北辰心代謂之大辰。其義一也。是以堯典言曆象日月星辰。中庸言日月星辰繫焉。祭法言日月星辰民所瞻仰。皆指在天成象者言之。後儒謂天之無星辰處皆辰。則無稽之言也。北堂書鈔引書人傳云。北辰謂之曜魄。春秋緯謂北極為曜魄寶。蓋本於大傳也。各本皆云。北辰謂之大堂。天淵謂之紐茲。大堂天淵四字。因下文妃星謂之大堂。引廣雅北辰曰曜魄。今據以訂正。

天淵謂之紐茲

天淵二字。因下文而誤說。見上條。徧考各史志及開元占經所載諸星。皆無紐茲之目。此條脫誤已甚。不可考正矣。

妃星謂之大當

影宋本以下大當竝譌作大堂。郎本又譌作天堂。錢氏曉徵曰。皆大當之誤。太平御覽引樂汁圖云。鈞陳

後宮也。大當正妃也。注云：大當，鉤陳末大星，即天官書所云後句四星末大星正妃也。唐碧落碑：大當叶曜中閨以睦，亦本樂汁圖。今從錢說訂正。

天淵謂之三淵

開元占經：巫咸中外官占引巫咸云：天淵十星在鼈東九坎間，一名三淵。

軒轅謂之路寢

天官書云：軒轅黃龍體，前大星，女主象，旁小星，御者。後宮屬。開元占經：石氏中官占引石氏云：軒轅十七星在七星北，又云：軒轅星，王后以下所居宮也。一曰：帝南宮。淮南子：天文訓云：軒轅者，帝妃之舍也。莊三十二年公羊傳云：路寢者，何？正寢也。

輿鬼謂之天廟

天官書云：輿鬼，鬼祠事。中白者，爲質。開元占經：南方七宿占引石氏云：輿鬼五星，中央色白如粉絮者，積

尸氣也。一曰鉄鎖。又引南宮侯云。與鬼者。天廟主神祭祀之事。

星

圓丘大壇祭天也。方澤大折祭地也。大昭祭四時也。坎壇祭寒暑也。王宮祭日也。夜明祭月也。幽禁祭星也。雩祭水旱也。四坎壇祭四方也。廟祧壇場鬼祭先祖也。周官大司樂云。冬至於地上之圜丘奏之。若樂六變。則天神皆降。可得而禮矣。夏至於澤中之方邱奏之。若樂八變。則地示皆出。可得而禮矣。折各本譌作坎。今訂正。祭法云。燔柴於泰壇。祭天也。廋埋於泰折。祭地也。用騂犢埋少牢於泰昭。祭時也。相近於坎壇。祭寒暑也。王宮祭日也。夜明祭月也。幽宗祭星也。雩宗祭水旱也。四坎壇祭四方也。山林川谷邱陵。能出雲爲風雨。見怪物。皆曰神。有天下者。祭百神。諸侯在其地。則祭之。其地則不祭。鄭注云。壇折。封土爲祭處也。壇之言坦也。坦明貌也。折。炤哲也。必爲炤明。

之名尊神也昭明也亦謂壇也時四時也亦謂陰陽之神也相近當為禳祈聲之誤也禳猶卻也祈求也寒暑不時則或禳之或祈之寒於坎暑於壇王宮日壇王君也日稱君宮壇營域也夜明亦謂月壇也宗皆當為榮字之誤也幽榮亦謂星壇也星以昏始見榮之言營也雩榮亦謂水旱壇也雩之言吁嗟也春秋傳曰日月星辰之神則雪霜風雨之不時於是乎禁之山川之神則水旱厲疫之不時於是乎禁之方即謂山林川谷邱陵之神也祭山林邱陵於壇川谷於坎每方各為坎為壇祭法又云天下有王分地建國置都立邑設廟祧壇墀而祭之乃為親疏多少之數是故王立七廟一壇一墀曰考廟曰王考廟曰皇考廟曰顯考廟曰祖考廟皆月祭之遠廟為祧有二祧享嘗乃止去祧為壇去壇為墀壇墀有禱焉祭之無禱乃止去壇曰鬼諸侯立五廟一壇一墀曰考廟曰王考廟曰皇考廟皆月祭之顯考廟祖考廟享嘗乃止去壇為壇去壇為墀壇墀有禱焉祭之無禱乃止去壇為鬼大夫立三廟二壇曰考廟曰王考廟曰皇考廟享嘗乃止顯考祖考無廟有禱焉為壇祭之去壇為鬼適士二廟一壇曰考廟曰王考廟享嘗

祀處

祓祥禪禱祭禳祭也

禘臘義見下條藝文類聚引說文云祭豕先曰禮月
 祭曰祫祫本作餽說文餽小饌也玉篇餽或作饌方
 言餽餽也說文云吳人謂祭曰餽饌本作臘韓非子
 五蠹篇云夫山居而谷汲者臘臘而相遺以水說文
 臘楚俗以十二月祭飲食也一曰嘗新始殺食新曰
 臘臘衆經音義卷九引三倉云臘八月祭名也漢書
 武帝紀令天下臘五日太平御覽引如淳注云臘雪
 樓漢儀注立秋臘臘許慎曰楚俗以十二月祭飲食

也。冀州北部或以八月朝作飲食爲臘。其俗語曰：臘臘社伏。蔡邕曰：貍虎常以立秋日搏獸還食其母。王者亦以此日出獵還以祭宗廟。賡晉劉劉殺也。續漢書禮儀志云：立秋之日始斬牲以薦陵廟。斬牲之禮名曰貍劉。祓之言拂也。說文：祓，除惡祭也。周官女巫巫掌歲時祓除。鄭注云：歲時祓除，如今三月上巳如水上之類。魯浴謂以香薰草藥沐浴。宋書禮志引韓詩云：鄭國之俗三月上巳之溱洧兩水之上招魂續魄。秉蘭草拂不祥。又引月令：季春天子始乘舟。蔡邕章句曰：陽氣和暖，鮪魚時至，將取以薦寢廟。故因是乘舟禊於名川也。論語：莫春浴乎沂，自上及下。古有此禮。今三月上巳祓於水濱，蓋出此也。續漢書禮儀志云：三月上巳官民皆絜於東流水上，自洗濯祓除，去宿垢疢，爲大絜。絜者，言陽氣布暢，萬物訖出，始絜之矣。絜與禊通。方言：餽，餽也。說文：餽，祭酢也。易林豫之大畜云：住馬醢酒，醢與餽同。餽，餽酢聲，並相近。禊之言灌也。說文：禊，灌祭也。經傳亦通作灌。說文：出將有事于道，必先告其神，立壇四通樹茅，以依神爲載。既祭，載轅于牲而行，爲犯載。大雅：生民爲取，祗以載。毛傳云：載，道祭也。載之言跋也。字或作賧。聘禮記

出祖釋軼祭酒脯乃飲酒于其側鄭注云祖始也既受聘享之禮行出國門止陳車騎釋酒脯之奠於軼爲行始也春秋傳曰跋涉山川然則軼山行之名也道路以險阻爲難是以委土爲山或伏牲其上使者爲軼祭酒脯祈告卿大夫處者於是餞之飲酒於其側禮畢乘車轅之而遂行古文軼作𨔵周官大馭掌馭玉路以祀及犯軼遂驅之注云行山曰軼犯之者封土爲山象以苦芻棘怕爲神主既祭之以車轅之而去喻無險難也杜子春云軼讀如別異之別謂祖道轅較磔犬也又月令孟冬其祀行注依中霤禮云行在廟門外之西爲較壤厚二寸廣五尺輪四尺北面設主於較上曾子問正義引崔靈恩云宮內之較祭古之行神城外之較祭山川與道路之神說文彙數祭也卷四云彙謝也彙各本譌作彙今訂正禮說文作彙云門內祭先祖所方皇或作𨔵小雅楚茨篇祝祭于𨔵傳云𨔵門內也爾雅闕謂之門李巡注云闕廟門名闕亦與𨔵通禮器爲𨔵乎外注云𨔵祭明日之釋祭也謂之𨔵者於廟門之旁因名焉郊特牲𨔵之於東方失之矣注云𨔵之禮宜於廟門外之西室又𨔵之爲言倮也注云倮猶索也正義云凡𨔵有

二種一是正祭之時既設祭於廟又求神於廟門之內詩云祝祭于廟是也一是明日釋祭之時設饌於廟門外西室卽上文勑之於東方注云勑之禮宜於廟門外之西室是也說文禱祭也月令仲春之月元鳥至至之日以大牢祠于高禱天子親往后妃帥九嬪御乃禮天子所御帶以弓韜授以弓矢于高禱之前注云元鳥燕也燕以施生時來巢人堂字而孚乳嫁娶之象也媒氏之官以爲候高辛氏之世元鳥遺卵蜮簡狄吞之而生契後王以爲媒官嘉祥而立其祠焉變媒言禱神之也續漢書禮儀志注引蔡邕章句云高尊也禱媒也吉事先見之象也蓋爲人所以祈子孫之祀元鳥感陽而至其來主爲字乳蕃滋故重其至日因以用事契母簡狄蓋以元鳥至日有事高禱而生契焉故詩曰天命元鳥降而生商又引盧植注云居明顯之處故謂之高因其求子故謂之禱詩生民元鳥傳並云祈於郊禱又魯頌閟宮有徂傳引孟仲子曰是禱宮也說文禱祭天也禱之言禪也禮器正義引書說云禱者除地爲壇文選高唐賦醯醢諸神禮太一李善注云醯祭也漢書郊祀志云益州有金馬碧雞之神可醯祭而致說文禱會福祭也周

官女祝掌以時招梗禴禴之事以除疾殃注云除災害曰禴禴猶刮去也大祝六祈三曰禴四曰禁注云禴禁告之以時有災變也養各本謂作養玉篇養金媛切祭也廣韻同集韻云常山謂祭爲養今據以訂正望者遙祭之名周官大司馬國有大事則旅上帝及四望鄭衆注云四望日月星辰後鄭云四望五嶽四鎮四瀆大司馬乃奏姑洗歌南呂舞大磬以祀四望注云四望五嶽四鎮四瀆此言祀者司中司命風師雨師或亦用此樂焉公羊春秋僖三十一年四卜郊不從乃免牲猶三望傳云天子有方望之事無所不通諸侯山川有不在其封內者則不祭也三望者何望祭也然則局祭祭大山河海何休注云方望謂郊時所望祭四方羣神日月星辰風伯雨師五岳四瀆及餘山川凡三十六所左傳正義云鄭元以爲望者祭山川之名三望謂淮海岱也賈逵服虔以爲三望分野之星國中山川北堂書鈔引五經異義云望祭河海太山日月星也陳祥道禮書云望雖以名山大川爲主而實兼上下之神故詩於柴望言懷柔百神及河喬嶽周禮於四望言祀而不言祭左氏曰望郊之細也又曰望郊之屬也公羊曰方望之事無所

不通則望兼上下之神可知矣說文禬鬼俗也淮南
傳曰吳人鬼越人禬今淮南子人閒訓作荆人鬼越
人禬高誘注云禬祥也勝之言斯也漢書天文志禬
禬祥如淳注云呂氏春秋荆人鬼越人禬今之巫祝
禬祠淫祀之比也景十三王傳彭祖不好治宮室禬
祥服虔注云求福也士虞禮記禬而小祥曰薦此常
事又禬而大祥曰薦此祥事中月而禘注云祥禴祭
名也禬吉也禘之言澹澹然平安意也說文禘告事
求福也又云禬設縣禬為營以禳風雨雪霜水旱癘
疫於日月星辰山川也一日營衛使災不生周官大
祝六祈四曰禬注云禬如日食以朱絲營社莊二十
五年公羊傳云日食以朱絲營社或曰營之或曰為
禬恐人犯之故營之祭法幽宗祭星也雩宗祭水旱
也注云宗皆當為禬禬之言營也昭元年左傳山川
之神則水旱癘疫之災於是乎禬之日月星辰之神
則雪霜風雨之不時於是乎禬之正義云賈逵以禬
為營禬用幣禬聚也聚草木為祭處說文禴磔禴
祀除癘缺也鄭注女祝云卻變異曰禴禴禬也

臘

也

索也夏曰清祀殷曰嘉平周曰大禘秦曰臘

各本皆作臘索也案索也二字乃腊字之訓非臘字之訓臘字下脫去本訓索也上又脫去腊字諸書或云臘獵也或云接也未知誰是廣雅原文今依例補入也字而闕其訓并補入腊字腊本作蜡蔡邕獨錄云臘者歲終大祭又云夏日嘉平殷曰清祀周曰大蜡漢曰臘風俗通義與獨斷同又云臘者獵也言田獵取獸以祭其先祖也或曰臘者接也新故交接故大祭以報功也劉峻注世說引五經要義云夏日嘉平殷曰清祀周曰大蜡總謂之臘諸書與廣雅或同或異未知孰是僖五年左傳虞不臘矣杜注云臘歲終祭衆神之名史記秦紀惠文君十二年初臘秦始皇紀三十一年更名臘曰嘉平月令孟冬之月天子乃祈來年于天宗大割祠于公社及門闕臘先祖五祀勞農以休息之鄭注云此周禮所謂蜡也臘謂以田獵所得禽祭也或言祈年或言大割或言臘互文也郊特牲云天子大蜡八伊耆氏始爲蜡蜡也者索也歲十二月合聚萬物而索饗之也注云謂求索也萬物有功加於民者神使爲之祭之以報焉郊特牲又云蜡之祭也主先蠶而祭司蠶也祭百種以報蠶也饗農及郵表畷禽獸仁之至義之盡也古之君子

使之必報之、迎猶爲其食田鼠也、迎虎謂其食田豕也、迎而祭之也、祭坊與水庸事也、又云、皮弁素服而祭、素服以送終也、黃衣黃冠而祭、息田夫也、注云、黃衣黃冠而祭、謂既蜡臘先祖五祀也、於是勞農以休息之、禮運正義云、摠而言之、謂之蜡、析而言之、祭百神曰蜡、祭宗廟曰息民、

天子祭以鬯諸侯以薰卿大夫以苾蘭士以蕭庶人以

艾

此逸禮王度記文、見白虎通義、及周官鬱人疏、各本艾上脫以字、今補、鬯薰苾蘭蕭艾、皆祿祭所用、以和鬯酒者也、大雅江漢篇、秬鬯一卣、毛傳云、秬、黑黍也、鬯、香草也、築煮合而鬱之曰鬯、正義云、禮緯有秬鬯之草、中候有鬯草生郊、皆謂鬱金之草也、以其可和秬鬯、故謂之鬯草、鄭衆注鬱人云、鬱爲草若蘭、釋草云、薰草、蕙草也、說文云、苾、幽也、蘭、香草也、爾雅云、蕭、萩艾、米臺、

王者以四時畋以奉宗廟、因簡戎事刈草爲防、毆而射

之不題禽不境遇不捷草越防不追天子取三十焉一
爲乾桓二爲賓客三曰充君之庖其餘以與士

爾雅春獵爲蒐夏獵爲苗秋獵爲獮冬獵爲狩桓四年穀梁傳云四時之田皆爲宗廟之事也昭八年傳云因蒐狩以習用武事禮之大者也防謂田之大限也小雅車攻傳云大艾草以爲防獸與驅同各本譌作獸今訂正題禽謂迎禽而射之境遇謂旁射也境或作競孟子滕文公篇爲之詭遇一朝而獲十趙岐注云橫而射之曰詭遇詩傳云面傷不獻剪毛不獻正義云面傷謂當面逆射之剪毛謂在旁而逆射之不獻者嫌誅降卽不題禽不境遇之謂也比九五王用三驅失前禽失讀爲放佚之佚桓四年左傳正義引鄭注云失前禽者謂禽在前來者不逆而射之旁去又不射唯背走者順而射之用兵之法亦如之降者不殺奔者不禦加以仁恩養威之道亦其義也說苑脩文篇云不抵禽不詭遇班固東都賦云弦不隄禽繼不詭遇抵隄並與題通說文捷獵也不捷草謂不捷獵邪行人草中以逐獸穀梁傳所謂車軌塵馬

候蹕不失其馳者也。越防不追如戰不逐奔也。穀梁傳云過防弗逐不從奔之道也。詩傳云戰不出頃田不出防不逐奔走古之道也。穀梁傳云禽雖多天子取三十焉其餘與士衆以習射於射宮車攻箋云三十者每禽三十也。一爲乾豆謂上殺也。二爲賓客謂次殺也。三日充君之庖謂下殺也。先宗廟次賓客後庖廚尊祖敬賓之道也。公羊穀梁王制詩傳皆有此文。詩傳云自左腰而射之達於右肱爲上殺射右耳本次之射左脾達於右肱爲下殺何休云自左腰射之達於右髀中心从疾鮮潔故乾而豆之以薦於宗廟自左腰射之達於右脾遠心从難故以爲賓客自左脾射之達於右肱中腸胃汚泡从遲故以充君之庖

隸兵

隸讀爲隸隸習也隸與隸古同聲而通用王藻隸束及帶隸讀爲隸昭三十年左傳若爲三師以隸焉隸本又作隸

全羽曰旒析羽曰旌熊虎曰旗

此周官司常文也鄭注云全羽析羽皆五采繫之於旌旌之上所謂注旌於干首也司常又云師都建旗道車載旌旒車載旌說文旒道車所載全羽已為旒允允而進也或作旒旌游車載旌析羽注旌首所已精進士卒也旗熊旗六游已象伐星士卒已為期風干旌篇云子子干旌爾雅注旌首曰旌李巡曰旌牛尾著干首孫炎曰析五采羽注旌上也其下亦有旒縵襄十四年左傳范宣子假羽旌於齊杜注云析羽為旌王者游車之所建齊私有之因謂之羽旌考工記鞀人云熊旗六旂以象伐也

天子杠高九仞諸侯七仞

卿

大夫五仞

士三仞

此禮稽命徵文也見周官儀禮疏各本脫去卿字又脫去士三仞三字爾雅疏所引已與今本同今考爾雅釋文引廣雅大夫上有卿字與下文卿大夫七旂至軹文同一例又爾雅釋文北堂書鈔初學記太平御覽引廣雅並有士三仞三字今據補爾雅素錦綢杠郭璞注云以白地錦緇旗之干干亦杠也語之轉

耳鄉射禮記杠長三仞鄭注云杠榦也七尺曰仞士
卷禮竹杠長三尺注云杠銘榦也周官司常璽云案
禮緯天子之杠高九仞諸侯七仞大夫五仞士三仞
士喪禮竹杠長三尺則从者以尺易仞天子九尺諸
侯七尺大夫五尺士三尺
其旌身亦以尺易仞也

天子十二旂至地諸侯九旂至軫卿大夫七旂至軾士

三旂至肩

說文游旌旗之游也或作遊又云旌旌旗之游也字
並與旂同或謂之旌聲亦相近也周官巾車注云旗
之正幅爲繆旂則屬旂節服氏六人雜王之大常注
云王旂十二旒兩兩以纁綴連旁三人持之禮天子
旌曳地昭七年左傳楚子之爲令尹也爲王旌以田
半尹無字斷之十年傳齊侯使王黑以靈姑鉉率請
斷三尺勇而用之杜注云靈姑鉉公旗名斷三尺不
敢與君同新序義勇篇云司馬子期獵於雲夢載旗
之長拖地半尹文拔劍齊諸軫而斷之子期伏軾而
問對曰臣以君旗曳地故也國君之旗齊於軾大夫

之旗齊於軾。今子荆國有名大夫而滅三等文之斷也。不亦宜乎。周官公羊疏及左傳正義并引禮含文嘉云。天子之旗九仞。十二旒。曳地。諸侯七仞。九旒。齊軾。卿大夫五仞。七旒。齊較。士三仞。五旒。齊首。說與廣雅小異。案考工記云。六尺有六寸之輪。軾崇三尺有三寸也。加軾與轆。四尺也。鄭注云。軾與也。軾。轂末也。旗旂愈短。則去地愈高。此云。諸侯至軾。卿大夫至軾。若爲轂末之軾。則反卑於軾。而卿大夫之旂。反長於諸侯矣。然則所謂軾者。蓋兩轡之橫直木也。考工記輿人。參分較圓。去一以爲軾圓。注云。軾。轡之植者。衡者。是也。兩轡通高五尺五寸。其上出軾者二尺二寸。謂之較。其下三尺三寸。木橫直相結如意。橋。所謂軾也。此軾在軾之上。而諸侯之旂齊軾。故王黑請以齊侯之旗斷三尺而用之。則至於軾而不至於軾矣。軾在軾上。亦高三尺三寸。故半尹文謂大夫之旗齊於軾也。禮緯謂卿大夫之旂齊較。較則高於軾。又廣雅士旂至肩。禮緯士旂齊首。首亦高於肩。蓋所傳者異也。自諸侯而下。降殺以兩。禮緯謂士五旒。是也。廣雅五作三。蓋字之誤。又案周官王建大常十有二旒。上公建旂九旒。侯伯七旒。子男五旒。孤卿建旌。大夫

工建物其旂各視其命之數禮緯廣雅所記諸侯以下旗旂皆不視其命數亦所傳異也

旗幟

附引廣雅一條

年稔秋穀熟也

見廣韻太平御覽及文選永明十一年策秀才文注說文季穀孰也從禾千聲隸省作年爾雅夏日歲商曰祀周曰年孫炎注云年取禾穀一熟也桓二年穀梁傳云五穀皆熟為有年說文稔穀孰也傷二年左傳不可以五稔杜注云稔熟也襄二十七年傳不及五稔注云稔年也釋文云穀一熟故為一年說文禾穀孰也今書作秋秋之言成熟也盤庚云若農服田力穡乃亦有秋月令麥秋至太平御覽引蔡邕章句云百穀各以其初生為春熟為秋故麥以孟夏為秋卷三云飪首熟也飪與稔同聲首與秋聲亦相近

七月廿五日申刻點卷自 實錄館回熟甚

初五日申刻大雨中校而繼夜不休三日大足矣

初八午校竟性大熱

廣雅疏證卷第九上

廣雅疏證卷第九下

高郵王念孫學

釋地

神農度四海內東西九十萬里南北八十一萬里

開元占經地占篇引春秋命歷序云神農始立州制形甄度四海東西九十萬里南北八十一萬里續漢書郡國志生引帝王世紀云地說稱日月所照三十萬里諸子所載神農之地過日月之表近爲虛誕矣

帝堯所治九州地二千四百三十萬八千二十四頃其墾者九百一十萬八千二十四頃

二千四百三十萬八千二十四頃各本二十萬作二百藝文類聚太平御覽並引孝經援神契云計校九

質佳荒登

卷第九下

一

夏禹所治四海內地東西二萬八千里南北二萬六千里出水者八千里受水者八千里

此中山經文也管子地數篇呂氏春秋有始覽淮南子地形訓並同

四海九州

湖數陂塘都吭斥澤埏衍皋沼池也

說文湖大陂也王逸注九歎云大池也風俗通義云湖者都也言流瀆四面所隈都也數之言聚也草木禽獸之所聚也故周語云數物之歸也說文數大澤也鄭風大叔于田傳云數澤也禽之府也周官大宰

注云澤無水曰藪澤虞注云水希曰藪是藪爲有水
無水之通稱矣說文陂沱也沱與池同月令注云畜
水曰陂穿地通水曰池塘古通作唐周語云陂唐汚
庫以鍾其美卷三云都聚也韓詩外傳云禽獸厭淡
山而下於都澤都猶豬也禹貢大野既豬馬融注云
水所停止淡者曰豬史記夏紀作都周官稻人順豬
畜水鄭衆注引左傳規偃豬後鄭云偃豬者畜流水
之陂也檀弓洿其宮而豬焉鄭注云豬都也南方謂
都爲豬坑大澤也其字本作沆或作坑阮說文沆大澤
亦爲鹽澤之名其字或作航又作坑阮說文沆大澤
也徐錯傳引博物志云停水東方曰都一名沆王逸
注七諫云陂池曰坑玉篇航鹽澤也沆坑沆三字諸
書中或譌作沆或譌作沆或譌作坑或譌作元久仍
其誤而莫之察也沆元字相近淮南子地形訓東南
方曰具區曰元澤元者沆之譌初學記太平御覽引
淮南子並作沆澤是其證也沆字俗書作沆譌而爲
沆又譌而爲沆風俗通義云謹按傳曰沆者莽也言
其平望莽莽無涯際也沆澤之無水所鹵之類也今
俗語亦曰沆水數沆沆字皆沆字之譌沆與莽聲相近
皆大澤之貌故云沆者莽也言其平望莽莽無涯際

也沆又爲鹽澤之名故云斤鹵之類水經丘馬河注
云督亢溝水東逕督亢澤澤包方城縣風俗通曰沆
潏也言平望潏潏無崖際是其證也藝文類聚引續
述征記云馬當沆中有九十臺注云齊人謂湖爲沆
沆亦沆之譌沆湖一聲之轉齊人謂湖爲沆卽博雅
志所云東方謂停水曰沆也漢書刑法志除山川沆
斤城池邑居園圃術路沆亦沆之譌沆與斤同類故
漢書廣雅皆以沆斤連文顏師古不知沆之譌爲沆
乃云沆謂居漢水之下其失也鑿矣沆字或作坑俗
書作坑因譌而爲坑水經河水注云濕水東北爲馬
當坑坑東西八十里南北三十里坑者坑之譌坑與
沆同卽續述征記之馬當沆也膠水注云膠水北歷
土山注於海土山以北悉鹽坑坑亦坑之譌北堂書
鈔引齊地記云齊有皮邱坑民煮坑水爲鹽是其證
也文選西京賦游鵝高翬絕坑踰斤坑斤皆澤也坑
與沆同故漢書趙充國傳云出鹽澤過長坑李善注
院音剛失之後漢書馬融傳彌綸坑澤皋牢陵山陵
與山同類坑與澤同類李賢注以坑爲壑亦失之莊
子逍遙遊篇鵬搏扶搖羊角而上者九萬里斤鵠笑
之司馬彪注云斤小澤也本亦作尺淮南子精神訓

鳳皇不能與之儷而況尺鷃乎新序雜事篇尺澤之
鰥豈能與之量江海之大尺竝與斤同鷄在斤中故
曰斤鷄作尺者假借字耳文選七啟注引許慎云鷄
雀飛不過一尺失之澤之言宅也水所宅也故周語
云澤水之鍾也埏衍聲相近故池謂之衍亦謂之埏
埏曹憲音延各本埏謬作埏音內延字又謬作延考
說文玉篇廣韻集韻類篇俱無埏字玉篇埏隄也池
也下溼曰隄停水曰池皆有廣衍之義故皆謂之埏
今本玉篇池字謬作地五音集韻埏池也五音篇海
埏隄也池也竝本玉篇玉篇本於廣雅今據以訂正
楚辭九歎巡陵夷之曲衍兮王逸注云衍澤也卷二
云衍廣也小爾雅云澤之廣者謂之衍襄二十五年
左傳井衍沃賈逵注云下平曰衍義與澤謂之衍相
近小雅鶴鳴篇鶴鳴于九臯毛傳云臯澤也韓詩云
九臯九折之澤昭二十八年左傳御以如臯杜注與
毛傳同王逸注離騷云澤曲曰臯義亦相近也召南
采芣篇于沼于
杜傳云沼池也

都野孟豬彭蠡少原振澤渚毗沛澤雷澤幽都

禹貢原隰底績至于豬野夏本紀作都野地理志作
豬塋又云休屠澤在武威郡武威縣東北古文以為
豬塋澤又云休屠澤在武威郡武威縣東北古文為
休屠澤也水經禹貢山水澤地都野澤在武威縣東
北注云其水上承姑臧武始澤東北至武威縣故城
東水流兩分一水北入休屠澤俗謂之西海一水東
入豬野謂之東海通謂之都野案都野澤在今涼州
府鎮番縣東北都豬古同聲豬野休屠語之轉皆取
停水之義孟豬亦猶是也禹貢道河澤被孟豬夏本
紀作明都地理志作盟豬周官職方氏青州其澤藪
曰望諸鄭注云望諸明都也唯陽爾雅十藪宋有
孟諸文十年左傳遂道以田孟諸杜注云孟諸宋大
藪也淮南子地形訓云孟諸在沛地理志云禹貢盟
諸澤在梁國睢陽縣東北元和郡縣志云孟諸澤在
宋州虞城縣西北周回五十里案孟豬明都望諸皆
同聲假借澤在今歸德府商邱縣東北接虞城縣界
虞城西北有孟諸臺亦故澤地也自元以後歸德府
被河決澤之畔岸不可復尋矣禹貢云彭蠡既豬又
云漢水南入于江東匯澤為彭蠡地理志云彭蠡澤
在豫章彭澤縣西案彭蠡澤今日鄱陽湖周回四百

五十里。受南昌饒州南康九江四府之境。上承湖漢。豫章諸水北流至湖口縣入江。少原渚毗幽都。皆未詳所在。振澤一名具區。振或作震。禹貢震澤底定。傳云震澤。吳南大湖名。職方氏揚州其澤。數曰具區。注云具區在吳南。爾雅吳越之間有具區。郭注云今吳縣南大湖。卽震澤是也。地理志云具區澤在會稽郡吳縣西。古文以爲震澤。禹貢山水澤地云震澤在吳縣南五十里。夏本紀索隱云左傳稱笠澤謂震澤也。胡氏肫明禹貢錐指曰震澤蓋自吳西南境東出爲松江一名笠澤。在今吳松江縣界。水經注云松江上承太湖。更逕笠澤。在吳南松江左右。國語越伐吳吳禦之笠澤。吳軍江北。越軍江南者是也。孔郭揣此爲太湖。則誤矣。又曰震澤之源當與太湖俱來。茗書而水草所鍾。淺而易溢。自底定之後始可陂障。民仰其利。故職方謂之澤數。而五湖則別之曰浸。迨乎日久填淤。生殖漸繁。遂成沃壤。漢後諸儒求其地而不得。遂合五湖而一之矣。吾意今吳越之交自莫釐武山以東至平望八赤之間皆古震澤地也。特世代荒遠川隄更移故其迹不可尋耳。水經泗水東過沛縣東注云。管許由隱於沛澤卽是縣也。縣蓋取澤爲名。呂氏

春秋求人篇云。咎者堯朝許由於沛澤之中。案沛爲澤名。亦爲澤之通稱。僖四年公羊傳。齊桓公濱海而東。大陷于沛澤之中。孟子滕文公篇。沛澤多而禽獸至。是也。禹貢。雷夏既澤。雍沮會同。夏本紀。集解引鄭注云。雍水沮水相觸而合。入此澤中。職方氏。兗州其浸。盧維注云。盧維當爲雷雍。字之誤也。引禹貢。雷澤。墨子尚賢篇云。舜漁雷澤。地理志云。禹貢。雷澤在濟陰。郡成陽縣西北。水經。瓠子河注云。雷澤在大成陽縣故城西北。十餘里。其陂東西二十餘里。南北十餘里。夏本紀正義引括地志云。雷夏澤在濮州雷澤縣郭外西北。雍沮二水出雷澤西北平地。案雷澤在今山東曹州府荷澤縣之東北。濮州之東南。自五代以後。河水衝決。雍沮雷澤皆蕩滅無存。

池

瓊支瑾瑜昭華白珩璇璜弁和珣璠璊棘碧璫藍田珠
瓊琬琰璐璫璠璊赤瑕

支與枝同楚辭離騷折瓊枝以纒佩九歌查將把兮
璆芳玉逸注云瓊玉枝也玉篇引莊子外篇云橫石
生樹名曰瓊枝其高一百二十仞大三十圍以琅玕
爲之實說文瑾瑜美玉也宣十五年左傳云瑾瑜匿
瑕西山經云瑾瑜之玉堅栗精密濁澤而有光五色
發作以和柔剛分言之則或曰瑾或曰瑜楚辭九章
云懷瑾握瑜九歎云捐赤瑾於中庭玉藻云世子佩
瑜玉皆是也淮南子秦族訓云堯贈舜以昭華之玉
西京雜記云秦有玉筥長二尺二寸二十六孔銘曰
昭華之瑄昭或作茗藝文類聚引書大傳云堯贈舜
以茗華之玉說文珩珩上玉所召節行步也晉語白
玉之珩六雙韋昭注云珩佩上飾也形似磬而小楚
語楚之白珩注云珩佩上之橫者禮記通作衡行之
言衡也衡施於佩上也一命再命勳珩三命蔥珩白
珩其最貴者玉藻云天子佩白玉是也說文璿美玉
也引璿二十八年前傳璿升玉纓今本璿作璿璿與
狂璿機玉衡馬融注亦云美玉天官書作旋後漢書
安帝紀作璇竝字異而義同周官大司馬以元璿禮
北方白虎通義引逸禮云半璿曰璿定四年左傳分
魯公以夏后氏之璿杜注云璿美玉名明堂位云大

璜天子之器也。璽子耕柱篇云：和氏之璧，隋侯之珠，三棘六異，此諸侯之所謂良寶也。韓非子和氏篇云：楚人和氏得玉璞於楚山中，奉而獻之厲王。厲王使玉人相之，玉人曰：石也。王以和爲誑而刖其左足。及武王卽位，和又奉其璞而獻之武王。武王使玉人相之，又曰：石也。王又以和爲誑而刖其右足。及文王卽位，和乃抱其璞而哭於楚山之下，三日三夜，王乃使玉人理其璞而得寶玉焉。遂命曰：和氏之璧。新序雜事篇：和氏作弁，和定五年，左傳：陽虎將以珎璠斂，杜注云：珎璠，美玉。君所佩，釋文：珎，本又作與。說文云：珎，魯之寶玉。孔子曰：美哉珎璠，遠而望之，與若也。近而視之，瑟若也。一則理勝，一則孚勝。僖二年，公羊傳：垂棘之白璧，何休注云：垂棘，出美玉之地。趙岐：孟子注同。碧璠，蓋青黑色玉也。璠之言璠也。釋器云：碧，青也。璠，黑也。淮南子：汜論訓云：劔工惑劔之似莫邪者，唯歐冶能名其種。玉工眩玉之似碧璠者，唯倚頓不失其情。盧與璠通。漢書地理志云：京兆尹藍田縣山出美玉。外戚傳云：璧帶往往爲黃金釵。函藍田璧，說文：璠，璠玉也。璠與球同，亦通。作來，晉書：與服志云：九嬪銀印，青綬，佩來璠玉。說文：璠，玉也。楚辭：九章被明月。

兮佩寶璐王逸注云寶璐美玉也文選雪賦注引許慎淮南子注同淮南子脩務訓唐碧堅忍之類猶可刻鏤以成器用高誘注云唐碧石似玉唐與瑤通說文璫三采玉也周官弁師璫玉三采故書璫作璫鄭眾注云璫惡玉名中山經穀水多瑤玉今本瑤譌作瑤水經穀水注及太平御覽並引作瑤說文璫玉小赤也司馬相如上林賦赤璫駁張注云赤璫赤玉也張衡七辯云玩赤璫之璘璣璫者赤色之名赤雲氣謂之霞赤玉謂之璫馬赤口雜毛謂之駁其義一也

玉

水精謂之石英瑠璃珊瑚玫瑰夜光隋侯虎魄金精璣

珠為蚌精之名亦為美石之通稱故其字從玉爾雅西方之美者有霍山之多珠玉郭璞注云珠如今雜珠而精好是珠又為美石之通稱矣英衆經音義卷七引廣雅作瑛南山經堂庭之山多水玉郭璞注云水玉今水精也太平御覽引廣志云水精出大秦黃支諸國劉楨魯都賦云水精潛光乎雲穴說文瑛

石之有光璧珎也。珎與璫同。藝文類聚引韻集云：璫
珎火齊珠也。又引廣志云：璫璫出黃支斯調。大秦日
南諸國。又引南州異物志云：璫璫本質是石，欲作器
以自然灰治之。鹽鐵論力耕篇云：璫玉璫璫璫成
爲國之寶。璫璫古通作流離。漢書西域傳：罽賓國出
璫流離。孟康曰：流離青色如玉。顏師古曰：魏略云：大
秦國出赤白黑黃青綠縹紺紅紫十種流離。此蓋自
然之物，采澤光潤，踰於衆玉。今俗所用皆銷冶石汁
加以衆藥，灌而爲之，尤虛脆不貞，實非其物也。說文
璫：璫色赤，生於海，或生於山。司馬相如上林賦：璫璫
護生。郭璞注云：璫璫生水底石邊，大者樹高三尺餘，
枝格交錯，無有葉。漢書西域傳云：罽賓國出璫璫，名
醫別錄云：璫璫生南海。蘇恭注云：似玉紅潤，中多有
孔，亦有無孔者。又出波斯國及師子國。太平御覽引
元中記云：璫璫出大秦西海中，生水中石上，初生白
一年黃，三年赤，四年崑崙。璫璫或曰蘇胡。開元占
經：器服占篇引孝經授神契云：王者要誓信，則蘇胡
鉤出。太平御覽引作璫璫鉤。玉篇引倉頡篇云：玫瑰
火齊珠也。韓非子外儲說左篇云：綴以珠玉，飾以玫
瑰。司馬相如子虛賦：其石則赤玉玫瑰。晉灼注亦云。

火齊珠顏師古云火齊珠今南方之出火珠也裴松之注魏志引魏略云大秦國多玫瑰劉達吳都賦注引異物志云火齊如雲母重沓而可開色黃赤似金
出日南墨子耕柱篇云和氏之璧隋侯之珠三棘六異此諸侯之所謂良寶也初學記太平御覽引墨子
隋侯竝作夜光史記田敬仲世家梁王曰寡人有徑寸之珠照車前後各十二乘者十枚即所謂夜光之
珠也或謂之明月趙策云明月之珠和氏之璧文選西都賦注引許慎淮南子注云夜光之珠有似明月
故曰明月也凡珠玉之有光者通謂之夜光故楚策云夜光之璧揚雄羽獵賦云椎夜光之流離流離亦
珠也莊子讓王篇云以隨侯之珠彈千仞之雀趙策云操隨侯之珠時宿於野隨侯之珠猶言夏后氏之
璫封父之繁弱耳淮南子注所稱大蛇銜珠之事近於虛誕矣急就篇云係臂琅玕虎魄龍漢書西域傳
云罽賓國出虎魄博物志云神仙傳松脂淪入地中千年化為茯苓茯苓千年化為虎魄一名江珠
今泰山有茯苓而無虎魄益州永昌出虎魄而無茯苓所未詳也太平御覽引廣志云虎魄生地中其上
及勿不生草淺者四五尺深者八九尺大如斛削去

外皮中成虎魄如斗初時如桃膠凝堅乃成出博南
縣舊唐書西域傳云俱蘭國出金精太平御覽引劉
楨清慮賦云憑文瑤之几對金精之盤說文璣珠不
圓也禹貢厥篚元纁璣組釋文引字書云璣小珠也
呂氏春秋重己篇云人不愛崑山之玉江漢之珠而
愛己之一蒼璧小璣王逸注七諫云圓澤爲珠廉隅
璣爲

中山經云岐山其陰多白珉楚辭九歎藏珉石於金匱兮王逸注云珉石次玉者玳瑁珉珉並字異而義同碑碣古通作車渠藝文類聚引廣志云車渠出大秦國及西域諸國南海藥譜引韻集云車渠玉石之類形似蚌蛤有文理魏文帝車渠碗賦序云車渠玉屬也多鐵理得文生於西國其俗寶之小以繫頸大以爲器碼碯通作馬腦藝文類聚引廣志云馬腦出西南諸國魏文帝馬腦勒賦序云馬腦玉屬也出自西域文理交錯有似馬腦故其方人因以名之或以繫頸或以飾勒南山經會稽之山其下多硃石郭璞注云硃石武夫石似玉今長沙臨湘出之魏策云白骨疑象武夫類玉張注子虛賦云武夫石之次玉者赤地白采蔥龍白黑不分太平御覽引廣志云武夫有白黑可以爲枋棊四子講德論作硃硃珉珉通作昆吾說文珉石之美者禹貢瑤瑁條渠王肅注云瑤珉美石次玉者也案珉卽瑤瑁也珉珉謂之珉猶硃硃謂之硃城功謂之城子虛賦云琳瑯昆吾昆吾謂石之次玉者也張注子虛賦云昆吾山名也出善金石引子昆吾之金史記索隱引河圖云流州多積石名昆吾石鍊之成鐵以作劍光明如水精於事爲不

類矣中山經葛山其下多瑊石郭注云瑊石瑊玞石似玉也說文作玞瑊云石之次玉者子虛賦瑊玞元厲張注與說文同玉爲瑊石次玉也亦爲瑊玞如雪者案珂者馬勒飾石形似之因以名焉左思吳都賦致遠流離與珂瑊對達孟云老鷹入海化爲瑊己裁割若馬勒者謂之珂亦其類也

石之次玉

東方有魚焉如鯉六足鳥尾其名曰鯀南方有鳥焉三首六目六足三翼其名曰鸞鵠西方有獸焉如鹿白尾馬足人手四角其名曰獲如北方有民焉九首蛇身其名曰相繇中央有蛇焉人面豺身鳥翼蛇行其名曰化蛇此五方之異物也

東山經云淡澤有魚焉其狀如鯉而六足鳥尾名曰鯀鯀之魚其鳴自叫南山經云基山有鳥焉其狀如

難而三首六目六足三翼其名曰鵩鵩與鸞同西
山經云皋塗之山有獸焉其狀如鹿而白尾馬足人
手而四角名曰獲如大荒北經云其工臣名曰相繇
九首蛇身自環食于九土其所歛所尼卽爲源澤不
辛乃苦百獸莫能處中山經云陽水中多化蛇人面
而豺身鳥翼而蛇行其音如叱呼案爾雅所記五方
異物曰比比目魚曰比翼鳥曰比肩獸曰比肩民曰枳
首蛇此皆耳目所及非同語怪若取山海經所記怪
物以益之則悉數難終不得限以五事矣

八家爲鄰三鄰爲朋三朋爲里五里爲邑十邑爲都十
都爲師州十有二師焉

此書大傳文也鄭注云州凡四十三萬二千家此蓋
虞夏之數也各本朋譌作明今訂正十邑爲都各本
作十邑爲鄉十鄉爲都若加以十都爲師十二師爲
州則一州凡有四百三十二萬家與鄭注不合蓋後
人以意加之也考書大傳及晉書地理志初學記太
平御覽路史疏仡紀竝作十邑爲都今據以訂正

𦵏堅甄埴塿埴埴埴賦田地土也

𦵏之言柔也說文𦵏和田也𦵏之言儒也玉篇仁緣
奴過二切字亦作𦵏廣韻𦵏沙土也說文堅剛土也
九章算術商功章云穿地四為塿五為堅三堅舊本
作堅首堅案作堅者曹憲避隋文帝諱而缺其下畫
釋草篇𦵏字作𦵏正與此同其音內堅字則後人所
加也說文埴黏土也字或作埴又作𦵏釋名云土黃
而細密曰埴埴𦵏也黏𦵏如脂之𦵏也𦵏字或作𦵏
鄭注考工記弓人云𦵏黏也禹貢厥土赤埴埴鄭本
作𦵏考工記疏引鄭注云𦵏黏土也晉書成公綏傳
天地賦云海岱赤埴華梁青黎周官草人埴埴用豕
鄭注云埴埴黏𦵏者管子地員篇云斥埴宜大菽與
麥黑埴宜稻與麥考工記埴埴之工二注亦云埴黏
土也埴為黏土而因為土之通稱法言脩身篇埴
埴索塗李軌注云埴土也謂旨人以杖撻地而求道
也塿謂疏土也說文塿𦵏土也管子地員篇赤塿𦵏
𦵏𦵏尹知章注云𦵏疏也𦵏塿一聲之轉𦵏之言𦵏
𦵏𦵏之言𦵏𦵏也地員篇𦵏土之狀𦵏𦵏然注云𦵏
𦵏疏也說文𦵏赤剛土也字亦作𦵏周官草人𦵏剛

廣雅疏證

卷第九下

十

術云鋤得五徧以上不須耨耕與耨一聲之轉今北方猶謂耕而下種曰耨矣耨字或作耨廣韻引字統云耨耕也齊民要術綠豆小豆胡麻皆五六月耨種注云耨漫耨也耨之言突也玉篇耨耕禾閒也齊民要術引汜勝之書云宿麥至春凍解棘柴曳之突絕其乾葉耨本作苗說文苗才耕田也爾雅田一歲曰苗孫炎注云苗始災殺其草木也大雅皇矣釋文引韓詩云反草曰苗元安六二云不耕穫不苗畲大詁云厥父苗厥子乃弗肯播梓材云若稽田既勤數苗小雅大田篇以我覃耜俶載南畝鄭箋云俶讀爲熾載讀爲苗粟之苗民以其利耜熾苗發所受之地也考工記輪人察其苗蚤不耨注云苗謂輻入穀中者也輻入穀中謂之苗猶耜入地中謂之苗苗之言俾也李奇注漢書蔽通傳云東方人以物西地中爲俾是其義也周頌載芟篇縣縣其庶毛傳云庶耜也釋文引說文云穗耨鉏田也字林云耕禾閒也昭元年左傳譬如農夫是穗是莧穗應並與蔗同蔗各本譌作穗考說文玉篇廣韻集韻俱無穗字今訂正披之言披也披開也玉篇披或作吹云耕外地也鑿猶披也方俗語有輕重耳說文鑿耜屬也耜之言剖也玉

耜耨耩耨耖耔植樹耑渾投時種也

賈佐流登

送精九下

上

稷同稷本作垓說文垓種也一日內其中徐鉉傳云
內子於土中也廣韻稷不耕而種也稿之言離邊也
齊民要術至春稿種注云離而種之曰稿玉篇稿犁
種也齊民要術云大小麥逐犁掩種者佳玉篇稿灰
中種也說文執種也今作執藝玉篇稿種麥也漢曹
憲音派各本謬作渾字書所無考說文玉篇廣韻渾
匹賣切正合曹憲之音今據以訂正集韻引廣雅作
稗說文玉篇廣韻皆無此字今不從投謂投種於土
中也齊民要術引汜勝之書云夜半漬麥種向晨速
投之方言時植立也詩更也說文時更別種也時植
聲相近故播殖亦謂之播時引之云玉篇時石至切
又音時堯典播時百穀周頌思文正義引鄭注云時
讀曰時種時五穀也晏子春秋諫篇云民盡得種時
說苑辨物篇時作樹樹亦植也倒言之則曰時播史
記五帝紀時播百穀草木淳化鳥獸蟲蛾旁羅日月
星辰時播淳化旁羅皆連語耳集解訓時為是正義
謂順四時而布種皆失之種各本謬作種
說文玉篇廣韻集韻皆無種字今訂正

原端也大鹵大原也

水經汾水注引春秋說趙辭云高平曰大原原端也
平而有度也釋名云原元也如元氣廣大也元與原
同義故亦訓爲端隱元年公羊疏引春秋說云元者
端也左氏春秋經昭元年晉荀吳帥師敗狄于大鹵
公羊穀梁皆作大原公羊傳云此大鹵也曷爲謂之
大原地物從中國邑人名從主人原者何上平曰原
下平曰隱穀梁傳云中國曰大原狄曰大鹵號從中
國名從主人汾水注引書大傳云大而高平者謂之
大原案晉之大原卽禹貢所謂既脩大原至于岳陽
昭元年左傳所謂宣汾洙障大澤以處大原者也杜
預云大原晉陽也在今大原府大原縣東北

釋邱

邱上有木爲秘邱

蔡邕郭林宗碑云棲遲泌邱又周巨勝碑云洋洋泌
邱于以逍遙束皙元居釋云學既積而身困夫何爲
乎祕邱泌祕竝與秘通案陳風衡門篇泌之洋洋可
以樂飢毛傳云泌泉水也蔡邕束皙以泌爲邱名廣

廣雅疏證

卷第九下

上

雅云邱上有木說並與毛異蓋本於三家也

小陵曰邱

周官大司徒注云土高曰邱大阜曰陵是邱小於陵也

無石曰阜

阜本作阜隸變作阜爾雅大陸曰阜北堂書鈔引詩云積土高大曰阜說文阜大陸也山無石也風俗通義云阜者茂也言平地隆踊不屬於山林也

四隤曰陵四起曰京曲京曰阿

爾雅大阜曰陵大陵曰阿絕高爲之京陵之言陵遲也文選長楊賦注引薛君韓詩章句云四平曰陵四平猶四隤也漢書項籍傳因四隤山而爲圍陳外騷孟康注云四隤四下隤隨也爾雅京大也四起謂四面隆起也倉之方者謂之京義亦同也阿者曲也故大雅有卷者阿毛傳云卷曲也文選西京賦注及衆

經音義卷一、並引韓詩云、曲京曰阿、然則四、隤曰陵、以下三句、皆韓詩義也、各本曲京作四京、因上文兩四字而誤、今訂正、鄭風定之方中、傳云、京、高邱也、大雅皇矣、傳云、京、大阜也、衛風考槃、傳云、曲陵曰阿、說文、阿、曲阜也、蓋邱阜陵京、對文則異、散文則通矣、

島細也

北堂書鈔引此作島、細土也、其義未詳、

藏謂之墳

釋名云、墳、曠也、藏於空曠處也、鄭衆注周官春官、藏謂穿中也、史記秦始皇紀、奇器珍怪徙藏滿之、藏與藏同、

墳、埆、塚、塋、培、塿、邱、陵、墓、封、冢、也

說文、冢、高墳也、釋名云、冢、腫也、象山頂之高腫起也、爾雅云、山頂、冢、又云、墳、冢、大也、卷一云、封、大也、故冢

或謂之墳或謂之封矣方言云豕秦晉之間謂之墳
或謂之培或謂之塤或謂之塚或謂之塋或謂之墳
自關而東謂之邱小者謂之塋大者謂之邱郭璞注
云墳取名於大防也爾雅墳大防李巡注云謂厓岸
狀如墳墓墳封塋一聲之轉皆謂土之高者也方
言云墳地大也青幽之間凡土而高且大者謂之墳
塚之言宰也宰亦高貌也列子天瑞篇云望其墳宰
如也僖三十三年公羊傳宰上之木拱矣何休注云
宰豕也宰與塚聲相近故豕謂之塚亦謂之宰官謂
之案亦謂之宰事謂之采亦謂之緯方言注云古者
卿大夫有采地从葬之因名曰塚其失也塋矣孟子
離婁篇之東郭墠間之祭者趙岐注云墠間豕間也
墠之言般也方言云般大也山有墠豕之名義亦同
也塋亦塋也語之轉耳衆經音義卷七引通俗文云
邱豕謂之墠塋莊子列御寇篇闔胡嘗視其良釋文
云良或作塋豕也塋說文作墠亦通作墠淮南子說
林訓云或謂豕或謂墠名異實同也曲禮云通墓不
登塋塋之言龍從也方言注云有界埒似耕墠因名
之也天水大坂謂之隴義亦同也培亦高貌也風俗
通義云部者阜之類也今齊魯之間田中少高仰者

名之爲部義竝與培同。樓亦高貌也。孟子告子篇可使高於岑樓。趙注云岑樓山之銳嶺者。義與樓同。方言注云培樓亦堆高之貌。因名之也。培樓埡聲之轉。冢謂之埡。亦謂之培樓。謂之畝亦謂之畝。北陵謂之西除。小山謂之部。婁義竝相近也。曲禮爲宮室不斬於邱木。鄭注云邱壘也。釋名云邱象邱形也。邱之言邱虛也。應劭注漢書張良傳云邱虛壯大是也。陵之言隆也。秦名天子冢曰山。漢曰陵。釋名云陵象陵形也。墓之言模也。規模其地而爲之。故謂之墓。說文墓兆域也。方言凡葬而無墳謂之墓。注云言不封也。周官有冢人有墓大夫。鄭注云冢封土爲邱壘。象冢而爲之。墓冢塋之地也。檀弓古也。墓而不墳。注云墓謂兆域。今之封塋也。土之高者曰墳。蓋自秦以前皆謂葬而無墳者爲墓。漢則墳墓通稱。故水經渭水注引春秋說題辭云邱者墓也。周官冢人以爵等爲邱。封之度。注云王公曰邱。諸臣曰封。王制庶人不封。不樹。注云封謂聚土爲墳。封亦高起之名。大司徒注云封起土界也。

宅兆塋域葬地也

孝經云卜其宅兆而安措之兆與兆同士喪禮筮宅鄭注云宅葬居也又主人兆南北面注云兆域也周官冢人職云掌公墓之地辨其兆域而為之圖案商頌元鳥篇肇域彼四海鄭箋云肇當作兆小宗伯兆五帝于四郊鄭注云兆為壇之營域樂記綴兆舒疾注云綴謂鄭舞者之位也兆其外營域也是兆為營域之通稱故爾雅云兆域也塋亦營也說文塋墓地也漢書楚元王交傳云太夫人蒙賜塋唐風葛生篇茲蔓于域毛傳云域營域也

隄陟阻陂陀險也

小雅四牡篇周道倭遲釋文云韓詩作倭夷文選西征賦注引韓詩周道威夷又引薛君章句云威夷險也爾雅西陵威夷蓋亦取險阻之義隄陟威夷倭遲並字異而義同威夷之為倭遲猶陵夷之為陵遲矣阻陂陀三字說見卷二陂陀險阻衰也下陀與陀同

崑嶺陞陘阪也

阪之言反側也爾雅阪者曰阪郭注云阪陀不平阪阪聲相近岡今作岡岡之言綱嶺之言領也爾雅山脊岡孫炎注云長山之脊也釋名云岡亢也在上之言也嶺通作領列子湯問篇云終北國中有山名曰壺領說文陞仰也衆經音義卷四引三倉云陞小阪也穆天子傳云天子西征乃絕險之關陞陞之言登也閻道謂之陞道義亦同也陞之言徑也字亦通作徑孟子盡心篇山徑之蹊間介然起岐注云山徑山之領法言吾子篇云山徑之蹊不可勝由矣馬融長笛賦云膺附陞腹陞阻竝字異而義同此與爾雅山絕陞異義

陳澳辱斤浦潯濱涿涓浮汜墳潯脾涖垠厓也

厓字或作崖又作涯說文厓厓厓也爾雅重厓厓孫炎注云山基有重岸也其水厓亦謂之陳王風葛藟傳以潯爲水陳是也張衡西京賦云刊厓平堂設切厓陳則穀基亦偕斯稱矣厓之言廉也鄉飲酒禮設席于堂廉鄭注云側邊曰廉是其義也漢字或作隄又作吳說文澳隄崖也又云隄水隄崖也爾雅云隄隄

又云厓內爲隄外爲鞠李巡注云厓內近水爲隄其
外爲鞠衛風瞻彼淇奧昭二年左傳及大學並作澳
澳之言奧也鄭注堯典云奧內也說文厂山石之崖
巖人可居象形籀文作斤玉篇音呼旦切斤與厓岸
之岸聲相近也說文浦水渚也大雅常武篇率彼淮
浦毛傳云浦厓也楚辭九歌云望沅陽兮極浦浦者
秀之轉聲猶言水秀耳淮南子原道訓游於江潭海
裔文選江賦注引許慎注云潯水厓也楚辭漁父篇
游於江潭潭與潯通古者潭潯同聲故高誘注原道
訓云潯讀葛覃之覃漢書楊雄傳因江潭而征記兮
顏師古云潭音尋潯說文作潯云水崖也人所資附
禹貢海濱廣斥漢書地理志作潯大雅召旻篇池之
竭矣不云自頻傳云頻厓也並字異而義同潯與邊
聲相近水濱猶言水邊故地之四邊亦謂之濱小雅
北山篇云葦土之濱是也大雅鳧鷖篇鳧鷖在潯傳
云潯水合也說文云小水入大水曰潯皆不以潯爲
厓唯鄭箋云潯水外之高者也正義云水外之地潯
然而高蓋涯涘之中復有偏高之處說與廣雅相近
也爾雅水草交爲濱釋名云濱厓也臨水如厓臨目
也秦風蒹葭篇在水之濱傳云濱水隈也小雅巧言

篇居河之麋傳二十八年左傳余賜女孟諸之麋並與澗同又案爾雅釋厓岸之名云洩爲厓窮瀆洩谷者澌此言水厓謂之洩其窮瀆之厓則謂之洩通谷者之厓則謂之洩洩洩皆厓岸之名非溝瀆之名也釋文云澌本又作澌洩洩悲反又水草交爲澌釋文云澌本或作澌洩悲反則澌洩是一字廣雅以澌洩同訓爲厓義本於爾雅也而郭璞於窮瀆洩注云水無所通者於谷者澌注云通於谷則是以前窮瀆爲洩通谷者爲澌說文亦云洩窮瀆也若然則澌洩當與谿谷溝瀆同列於釋水何得與溝瀆墳洩同列於釋邱而總之以厓岸之名乎斯不然矣洩之言界埒也淮南子倣眞訓云形埒垠塹是也洩亦通作埒淮南子齊俗訓恒貉得埒防高注云埒水埒也防隄也是埒爲水厓也爾雅水潦所還埒邱注云謂邱邊有界埒水繞環之義與厓埒亦相近周官大司徒設其社稷之壇鄭注云壇壇與埒埒也埒謂之埒亦謂之埒厓謂之洩亦謂之洩其義一也洩卽爾雅所謂窮瀆洩非水決復入之洩也對文則窮瀆之厓爲洩通瀆之厓爲洩散文則洩洩通稱淮南子道應訓公孫龍至於河上而航在一洩高注云洩水厓也班固幽通賦

半疆大於南汜曹大家注與高誘同顧命夾兩階阼傳云堂廉曰阼堂遯謂之阼亦謂之廉水厓謂之陳亦謂之汜其義一也墳者高起之名爾雅墳大防李巡注云墳謂厓狀如墳墓說文作坻又云漬水崖也周南汝墳篇遵彼汝墳傳云墳大防也大雅常武篇鋪敦淮漬傳云漬厓也周官大司徒墳衍注云水崖曰墳竝字異而義同說文滑水崖也爾雅厓夷上洒下不滑孫炎注云平上隋下故名滑郭璞云不發聲也王風葛藟篇在河之滑兮傳云滑厓也釋文滑本亦作厓檀篇實之河之滑兮傳云滑厓也釋文滑本亦作厓厓者在遯之名口邊謂之厓水厓謂之滑厓宇謂之宸聲義竝相近也陳猶瀕也語之轉耳渙與汜聲相近爾雅渙爲厓王風葛藟篇在河之渙傳元年公羊傳自南渙毛傳何注竝與爾雅同影宋本渙淡二字誤入曹憲音內渙字又誤作泮皇甫以下諸本皆誤作泮集韻類篇有泮字音迷浮切引廣雅泮泮厓也則所見已是誤本案說文玉篇廣韻俱無泮字蓋渙訛爲泮泮又訛爲泮耳今訂正說文泮岸也或作坻漢書敘傳漢良受書於邳沂晉灼注云沂崖也坻泮竝與垠同凡遯界謂之垠或謂之堦文選西京賦注

引許慎淮南子注云垠塹端
崖也厓岸垠塹一辟之轉

度坵陬隅隈也

僖二十五年左傳注云隈隱蔽之處高誘注淮南子
覽冥訓云隈曲湊處也凡山曲水曲通謂之隈爾雅
云隅隈說文云隈水曲管子形勢篇云大山之隈皆
是也卷四云度隈隱也楚辭九歎步從容於山度王逸
注云度隈也度陬聲相近山度猶山陬耳坵或作阬
通作鞠爾雅厓內爲隈外爲鞠李巡注云厓內近水
爲隈其外爲鞠孫炎云內曲裏也外曲表也大雅公
劉篇芮鞠之卽鄭箋云水之內曰隈水之外曰鞠漢
書地理志芮水出右扶風汧縣西北東入涇詩芮隈
雍州川也顏師古注云大雅芮鞠之卽韓詩作芮阬
周官職方氏注引詩作汧坵案隈是厓內之名非厓
外之名廣雅以厓外之坵訓爲隈未詳所據也說文
陬陬也隅隅也

厓隈

附引廣雅一條

土高四墮曰椒邱

見文選謝惠連泛湖歸出樓中翫月詩注楚辭離騷馳椒邱且焉止息王逸注云土高四墮曰椒邱司馬相如上林賦云出乎椒邱之闕

釋山

岱宗謂之泰山

在今泰安府泰安縣北五里堯典至于岱宗風俗通義云宗者長也五嶽之長

天柱謂之霍山

在今六安州霍山縣南五里漢書地理志天柱山在廬江郡灊縣南水經禹貢山水澤地注云霍山天柱山也引爾雅大山宮小山霍邵氏二雲爾雅正義云今霍山縣之霍山中峯庫小而四圍有大山環繞之

舉山謂之太舉

在今同州府華陰縣南十里

常山謂之恆山

在今定州曲陽縣西北百四十里漢避文帝諱改恆山為常山見地理志注

外方謂之嵩

高

在今河南府登封縣北十里禹貢熊耳外方桐柏地理志云古文以崇高為外方山崇高即嵩高各本外下脫方字嵩下脫高字嵩上又衍嶠字今訂正

峒嶺謂之衡山

在今衡州府衡山縣西北三十里中山經注亦云衡山俗謂之峒嶺山案峒嶺猶穹隆語之轉也若車枸

或謂之穹隆矣

賈惟荒登

卷第九下

大

蜀山謂之嶓山

嶓說文作嶓字或作岷又作汶嶓山在今龍安府松
潘廳西北二百二十里地理志云禹貢嶓山在蜀郡
前氏道西微外江水所出蜀讀爲獨字或作瀆史記
封禪書云瀆山蜀之汶山也水經江水注云岷山卽
瀆山也水
日瀆水

吳山謂之開山

在今鳳翔府隴州西南俗以在州西四十里者爲汧
山在州南八十里者爲嶽山其實一山也開與汧同
禹貢道汧及岐釋文汧字又作汧馬本作開周官職
方氏雍州其山鎮曰嶽山爾雅釋山河西嶽鄭郭注
並云吳嶽也地理志云吳山在右扶風汧縣西古文
以爲汧山雍州山也續漢書郡國志云汧縣有吳嶽
山本名汧是兩漢志並以汧山爲吳嶽史記封禪書
自華以西名山七曰華山薄山岳山岐山吳岳鴻冢
瀆山則分吳嶽與嶽山爲二而不言汧山禹貢錐指
云漢志雖云吳山在縣西而閿縣延及其南與

嶽山只是一山自周尊岍山曰嶽山俗又謂之吳山或又台稱吳嶽史記又析嶽山與吳嶽爲二而岍山之名遂隱其實此二山者周禮總謂之嶽山禹貢總謂之岍山當以漢志爲正

薄落謂之开頭

在今平涼府平涼縣西四十里地理志云开頭山在安定郡涇陽縣西禹貢涇水所出开頭或作笄頭史記五帝紀黃帝西至于空桐登笄頭是也又作雞頭秦始皇紀巡隴西北地出雞頭山是也淮南子地形訓涇出薄落之山高誘注云一名笄頭山元和郡縣志云笄頭山一名薄落山故涇水亦曰薄落水淮南子覽冥訓云嶢山崩而薄落之水涸是也

土高有石山山產也石柘也

土高有石對無石曰阜言之義本說文也釋名云山產也產生萬物也柘曹憲音石案說文柘百二十斤也石訓爲柘義無所取疑是柘字之譌卷一云柘大也石與碩同聲碩亦大也漢書匈奴傳石畫之臣鄧

展注云、石大也、
石畫、卽碩畫、

豕腫也

爾雅、山頂豕、釋名云、豕腫也、言腫起也、

嶽确也

确、謂堅确也、

凡天下名山五千二百七十出銅之山四百六十有七
出鐵之山三千六百有九

此中山經文也、出銅之山以下、亦見管子地數篇、二百七十、中山經作三百七十、續漢書郡國志注引帝王世紀作三百五十、

崑崙虛有三山、閭風板桐元圃、其高萬一千一百一十

里一十四步二尺六寸

楚辭離騷云朝發軔於蒼梧兮夕余至乎縣國又云朝吾將濟於白水兮登閭風而縶馬天問云崑崙縣國其尻安在增城九重其高幾里哀時命云騁瑤木之樺枝兮望閭風之板桐縣國與元圃同閭風或作涼風板桐或作樊桐淮南子地形訓云崑崙虛有增城九重其高萬一千里百一十四步二尺六寸又云縣國涼風樊桐在崑崙閭闔之中崑崙之邱或上倍之是謂涼風之山或上倍之是謂縣國之山或上倍之乃維上天王逸注離騷引河圖括地象亦云崑崙高萬一千里二書所記崑崙里數與廣雅大同小異事涉無稽非所詳究也

崑崙嶺

也

崑與淵同禹貢岱嶽絲泉傳云崑崙谷也崑之言穿也字或作隴釋名云山下根之受雷處曰隴考工記匠人注云隴中曰明義並相近也嶺本作隴或作嶺又作解說文隴水衡官谷也一曰小谿漢書律歷志黃

帝使洽綸自昆侖之陰取竹之解谷孟康注云解脫也谷竹溝也取竹之脫無溝節者也一說昆侖之北谷名也張衡西京賦云擿謬澌接川瀆馬融廣成頌云窮浚谷底幽巖竝字異而義同篲與谿同各本谷下脫也字今補

釋水

瀆泉直泉也直泉涌泉也

爾雅瀆泉正出正出涌出也李巡注云水泉從下上出曰涌泉直猶正也公羊春秋昭五年叔弓帥師敗莒師于瀆泉傳云瀆泉者何直泉也直泉者何涌泉也左氏作紛泉穀梁作資泉皆古字通用小雅采芣篇芣沸攲泉沸瀆一聲之轉爾雅漢大出尾下郭璞注云今河東汾陰縣有水口如車輪許瀆沸涌出其瀆無限名之爲漢瀆與瀆聲亦相近

州居也階處也沚止也渚至也

爾雅水中可居者曰洲小洲曰隋小隋曰汚小汚曰
坻洲與州同坻與渚同釋名云汚止也
可以止息其上
也各本處止二字互誤汚字又誤作渚
太平御覽引廣雅汚止也今據以訂正

海晦也江貢也河何也淮均也濟濟也伊因也洛繹也
漚理也澗閒也漢達也渭偁也汝汝也涇徑也

釋名云海晦也主承穢濁其色黑如晦也風俗通義
云江者貢也出珍物可貢獻也水經河水注引春秋
說題辭云河之爲言荷也荷精分布懷陰引度也荷
與何同又淮水注引春秋說題辭云淮者均其務也
釋名云濟濟也源出河北濟河而南也伊各本皆作
津合下文洛漚澗推之則津字當是伊字之譌今訂
正洪範鯀陞洪水漢石經陞作伊則伊因古同聲故
訓伊爲因鄭風溱洧篇伊其相謔鄭箋亦云伊因也
初學記引春秋說題辭云洛之爲言繹也言水繹繹
光耀也釋各本譌作驛惟影宋本不譌漚與理聲不
相近理字當是漚字之譌漚與廔同字與漚同聲故
云漚漚也集韻類篇竝云廔亦作漚漚與理相似因

謂而為理矣說文玉篇廣韻集韻皆無謂字疑是謂字之譌初學記引春秋說題辭謂之為言謂也注云渭渭流行貌渭也之渭渭渭之渭疑皆謂字之譌玉篇廣韻並云謂行也正合流行之義太平御覽引春秋說題辭云汝之為言汝也訓與廣雅同而未詳其義諸書依字解經率多皮傳於主名山川之意未必有當也

湍瀨也礧礧也

說文湍水流沙上也楚辭九歌石瀨兮淺淺王逸注云瀨湍也漢書武帝紀遣歸義越侯申為下瀨將軍史記南越傳瀨作厲瀨之言厲也厲疾也月令云征鳥厲疾是也石上疾流謂之瀨故無石而流疾者亦謂之瀨楚辭九章云長瀨湍流沂江潭兮是也說文湍疾瀨也史記河渠書云水多湍石不可漕湍之言過也爾雅湍疾也其無石而流疾者亦謂之湍孟子性猶湍水是也合言之則曰湍瀨淮南子原道訓漁者爭處湍瀨高誘注云湍瀨水淺流急之處也說文礧水階有石者衆經音義卷二十二引三倉云礧水

中沙灘也。積之言積也。塞北沙漠謂之積。義亦同也。
衆經音義卷十五引埤倉云：磯，水中積石也。案薛瑄
注武帝紀云：瀨，瀨也。吳越謂之瀨。中國謂之積。則瀨
瀨與積異名而同。實衆經音義卷一卷十九卷二十
三並引廣雅：積，瀨也。似此條瀨瀨下本無也字。然水
流石上謂之瀨。瀨石在木中謂之磯。積亦可分爲兩
義：太平御覽引廣雅亦作瀨。瀨也。影宋本以下並同。今仍其舊。

洪湏畎涿陌溝渠川瀆飲窖科白坑也

爾雅：坑，虛也。坑與坑同。坑之言康也。爾雅：康，虛也。康
坑飲科渠皆空之轉聲也。洪者，空大之名。洪猶洪也。康
字亦作洪。玉篇：洪，大谷名。廣韻云：大壑也。壑，洪湏陌
各皆虛之轉聲也。周官：遂人治野，夫閒有遂。十夫有
溝，百夫有湏，千夫有澮，萬夫有川。考工記：匠人爲溝
湏，耜廣五寸，二耜爲耦，一耦之伐，廣尺，深尺，謂之畎。
田首倍之，廣二尺，深二尺，謂之隧。九夫爲井，井閒廣
四尺，深四尺，謂之溝。方十里爲成，成閒廣八尺，深八
尺，謂之洫。方百里爲同，同閒廣二尋，深二仞，謂之浚。
專達於川，各載其名。對文：辨有畎遂溝洫澮之異。散

文則通謂之溝洫故言匠人爲溝洫也大雅文王有
聲篇築城伊瀉與洫同洫亦虛也管子小稱篇滿
者洫之虛者實之尹知章注云洫虛也說文人水小
流也古文作𡿨篆文作𡿨水洫洫也說文人水小
流水也引泉陶謨洛人𡿨𡿨距川今本人作𡿨作洫
鄭注匠人云壘中曰𡿨𡿨之言穿也穿地通水也故
通谷亦謂之𡿨禹貢岱𡿨絲泉是也遂通作遂隧又
作術月令審端徑術鄭注云術周禮作遂遂者達也
達水於溝也陌與𡿨聲相近陌各本謬作涓玉篇陌
乎犬切坑也廣韻同集韻類篇並引廣雅陌坑也今
據以訂正埂亦坑也方俗語有輕重耳說文秦謂阡
爲埂玉篇引倉頡篇云埂小坑也釋名云溝溝也縱
橫相交溝也說文渠水所居也管子度地篇云水之
出於地溝流於大水及海者命曰川水說文瀆溝也
又云瀆通溝呂防水也古文作瀆瀆之言賣也說文
賣空也故周官注四瀆或作四賣飲與坎同說卦傳
云坎陷也瀆之言瀆也說文瀆坎中坎也次初六
入于坎窞王肅注云瀆坎底也孟子離婁篇原泉盈
科而後進盡心篇流水之爲物也不盈科不行趙岐
注並云科坎也太元從次五從水之科滿科亦坎也

范望注以科爲法失之科之言窠也卷三云科空也說文云窠空也說文自小阱也今通作陷欲省各聲並相近各本訛作自今訂正

漳潭淵也自三仞以上二億三萬三千五百五十有九

說文淵回水也管子度地篇云水出於地而不流者命曰淵水卷三云淵淡也說文漳回也楚辭九章長瀨湍流沂江潭兮王逸注云楚人名淵曰潭潭亦淡也漢書揚雄傳潭思潭天顏師古注云潭潭亦淡也淵下脫也字今補自三仞以下淮南子地形訓文也彼文云凡鴻水淵數自三百仞以上二億三萬三千五百五十里有九淵三百仞之百五十里之里九淵之淵皆衍文

清滌浮著水也

曲禮云凡祭宗廟之禮水曰清滌浮著未詳

陽侯澗汰波也

波之言播蕩也。韓策云：塞漏舟而輕陽侯之波，則舟覆矣。楚辭九章凌陽侯之汜，濫兮王逸注云：陽侯大波之神。文選七發注引此無之神二字。淮南子覽冥訓：武王伐紂，渡于孟津，陽侯之波逆流而擊，高誘注云：陽侯，陽陵國侯也。弱水於水，其神能為大波，有所傷害，故因謂之陽侯之波。應劭注：漢書揚雄傳云：陽侯，古之諸侯也。有罪自投江，其神為大波，皆所未詳也。文選西都賦注引倉頡篇云：濤，大波也。濤與濤同。楚辭九章齊吳榜以擊汰，王注云：汰，水波也。九歎云：挑揄揚汰，盪迅疾兮。濤汰一聲之轉，猶浙米謂之淘汰矣。亦謂之汰矣。

舟舫船也

此釋舟之總名也。方言：舟，自關而西謂之船，自關而東謂之舟。釋名云：船，循也。循水而行也。又曰：舟，言周流也。爾雅：舫，舟也。郭璞注云：並兩船。說文：舫，船也。明堂月令曰：舫人，習水者。楚策云：一舫載五十人。與三月之糧。舫之言方也。鄉射禮：不方足。鄭注云：方，猶併也。說文：方，併船也。併船以渡謂之舫。併木以渡亦謂

[illegible]

也

此釋衆舟之名也。釋名云：三百斛曰舩。舩，貂也。貂，短也。江南所名短而廣，安不傾危者也。初學記引埤倉云：舩，吳船也。衛風：河廣篇，誰謂河廣，曾不容刀。鄭箋云：小船曰刀。釋文：刀，字書作舩。說文作舩，正義引說文：舩，小船也。並字異而義同。舩之言貂也。凡物之短者，謂之貂。說見卷二。貂，短也。下：舩之言巉巉然也。玉篇：舩，大船也。廣韻云：合木船也。舩亦舩也。語之轉耳。初學記引周遷與服雜事云：欲輕行，則乘海舩。舩，合

賢佳流登

卷九下

三

輪今本誤作幹藝文類聚太平御覽引淮南子並作
船倣真訓越船蜀艇不能無水而浮高注云船小船
也越人所便習此足與主術訓注互相證明矣船之
言博大也衆經音義卷一引埤倉云船大船也廣韻
云海中大船也水經江水注云管孫權瘞大船名之
曰長安亦曰大船載坐直之士三千人解之言浮也
玉篇解小船也小舫謂之解猶小舟謂之桴矣晉書
忠王尚之傳晉義引字林云艦屋船也釋名云上下
重版曰艦四方施版以禦矢石其內如牢艦也三國
志周瑜傳云劉表治水軍蒙衝鬪艦乃以千數左思
吳都賦巨艦接艦劉逵注云船上下四方施版者曰
艦艦與艦通方言注云櫟卽長艦也櫟艦並渠容反
玉篇艦小船也方氏密之通雅云今皖之太湖呼船
小而淡者曰艦淮南子越船蜀艇太平御覽引作
越舫蜀艇又引注云艦小艇所引蓋許慎注也後漢
書馬融傳方餘皇連舫舟李賢注引淮南子亦作艦
小爾雅云小船謂之艇方言注云艇觸也釋名云二
百斛以下曰艇其形徑挺一人二人所乘行也高誘
注倣真訓云蜀艇一版之舟案高注訓蜀爲一義本
方言但越船蜀艇皆以其地名之若以蜀艇爲一版

之舟則於文不類矣昭十七年左傳楚大敗吳師獲其乘舟餘皇杜注云餘皇舟名左思吳都賦邁餘皇於往初郭璞江賦漂飛雲運餘艚並與餘舩同玉篇艚戰船也字本作蒙衝後漢書禰衡傳云黃祖在蒙衝船上大會賓客船之有蒙衝猶車之有衝車蒙衝也衝突也釋名云外狹而長曰蒙衝以衝突敵船也艚首本作鷁首鷁鷁於船首因命其船為鷁首也方言船首謂之閭閭或謂之鷁首注云鷁鳥名也今江東貴人船前作青雀是其像也淮南子本經訓龍舟鷁首高注云鷁水鳥畫其象著船頭故曰鷁首也張衡東京賦浮鷁首翳雲芝薛綜注云船頭象鷁鳥厥水神故天子乘之鷁首或但謂之鷁司馬相如子虛賦云浮文鷁揚旌樯是也玉篇舩舩小舟也小舟謂之舩舩小舩謂之舩舩義相近也藝文類聚引宋元嘉起居注云餘姚令何玢之造作舩舩一舩精麗過常舩本作櫓說文櫓江中大船名洪氏稚存釋舟云案方言舩為小舩櫓與舩同則櫓亦不盡是大舟矣又云小舟謂之麗莊子秋水篇梁麗可以衝城司馬彪注梁麗小船也裴松之三國志王朗傳注稱獻帝春秋朗對孫策使者云獨與老母共乘一櫓流矢

始交便棄橈就俘亦橈爲小舟之證橈麗古字通念
孫案玉篇廣韻橈橈並力底切方言橈爲小舸則橈
與橈麗並通莊子人間世篇枹柏桑三圓四圍求高
名之麗者斬之司馬彪注亦以麗爲小船曹植盤石
篇云呼吸吞船橈則
橈又爲船之通稱矣

箴箴潢筏也

方言泝謂之箴箴謂之筏筏秦晉之通語也衆經音
義卷三云筏通俗文作撥韻集作撥編竹木浮於河
以運物也南土名箴北人名筏字又作棧論語公冶
長篇馬融注云編竹木大者曰棧小者曰桴箴之言
比夫也後漢書岑彭傳乘枋箴下江關李賢注云枋
箴以木竹爲之浮於水上箴箴並同箴之言比附
也說文泝編木曰渡也爾雅釋言舫泝也孫炎注云
方木置水中爲泝筏也釋文泝字或作箴樊本作枋
周南漢廣釋文引郭璞音義云木曰箴竹曰筏小筏
曰泝釋水庶人乘泝李巡注云併木以渡也齊語方
舟設泝乘桴濟河韋昭注云編木曰泝小泝曰桴管
子輕重甲篇云冬不爲杠夏不束泝楚辭九章乘汜

汴以下流兮王逸注云編竹木曰汴楚人曰汴秦人
曰檣箛箛汴附並同橫之言橫也橫流而渡也說文
橫呂船渡也方言方舟謂之橫郭注云揚州人呼渡
津舫為杭荊州人呼橫橫亦杭也語之轉耳六韜軍
用篇云天橫一名天船張衡思元賦云乘天潢之汎
汎兮浮雲漢之湯湯橫潢並與橫通據方言說文則
潢為方舟之名非筏名也玉篇廣韻亦不訓為筏至
集韻始引廣雅潢筏也然衆經音義卷十四引廣雅
箛箛筏也而無潢字疑廣雅潢
字本別為一條而脫誤在此也

舩謂之舩

此謂船兩邊也衆經音義卷十六引埤倉云舩舩
也楚辭漁父篇鼓枻而去王逸注云叩船舩也舩或
作弦舩或作枻淮南子說林訓遠契其舟枻高誘注
云枻船弦版也讀如左傳襄王出居鄭地汜之汜今
本淮南子枻譌作枻枻字草書作枻因譌而為枻集
韻類篇並云舩或作枻漢童子逢盛碑亦有枻字

舩謂之枕

此謂船前橫木也。枕之言橫也。集韻：枕，舟前木也。凡舟車前之橫木皆曰枕。衆經音義卷十四云：枕，聲類作輶，車下橫木也。今車牀及梯桌下橫木皆曰枕。釋名釋車篇云：枕，橫在前如臥牀之有枕也。枕，橫也。橫在下也。義與聲類同。今本釋名枕字譌作枕，而校是書者輒證以方言軫謂之枕，且刪去橫在下也四字。弗思甚矣。別言之，則船前橫木曰枕。合言之，則四邊皆曰枕。今人言邊枕是也。玉篇：船，船也。船，猶言船枕。今本玉篇船，船譌作船。廣韻：船，船也。集韻：船，船前枕也。足正今本之失。合言之，則四邊皆曰船。若錢四周謂之輪郭矣。

炎云比舟爲梁也。薛綜注東京賦云：造舟以舟相比，次爲橋也。以上諸說皆合造字之義。昭元年左傳：秦后子造舟于河，正義云：李巡、孫炎、郭璞皆不解造義。蓋造爲至義，言船相至而並比也。案比舟二字，正釋造字之義。沖遠不得其解而轉訓爲至，爾雅釋文訓造爲作，宣十二年公羊傳疏引舊說訓造爲詣，又轉訓爲成，皆由不知造爲比次之義，故望文生訓而卒無一當矣。船各本皆作造，此後人據經文改之也。詩及爾雅釋文並云：造，廣雅作船，今據以訂正。

崐崙虛赤水出其東南，陬河水出其東北，陬洋水出其西北，陬弱水出其西南，陬河水入東海，三水入南海。

海內西經云：海內崐崙之墟，在西北，赤水出東南隅，以行其東北，西南流注南海，厭火東，河水出東北隅，以行其北，西南又入渤海，又出海外，卽西而北，入禹所導積石山，洋水黑水出西北隅，以東，東行，又東北，南入海，羽民南，弱水青水出西南隅，以東，又北，又西南，過畢方，鳥東，淮南子地形訓云：弱水出自窮石，至

于台黎餘波入于流沙絕流沙南至南海其記河水
赤水洋水與海內西經略同蓋廣雅所本也崐崙所
在言人人殊四水出其四隅尤
無實驗所謂不可為典要者與

水自渭出為渠水自汾出為派

水經渭水注云渭水東北逕渭城南東分為二水廣
雅曰水自渭出為渠其猶河之有雍也此讀東流注
渭水又汾水注云汾水於大陵縣左逕為邬澤廣雅
曰水自汾出為汾陂陂南接邬地理志曰九澤在北
并州數也呂氏春秋謂之大陸又名之曰滎夷之澤
俗謂之邬城泊又會嬰侯之水亂流逕中都城南侯
甲水注之又西逕邬縣故城南又西北入邬陂而歸
於汾流矣案邬注水自汾出為下當有闕文邬城泊
在今汾州府
介休縣東北

八月初三日刻點竟是一日午刻掃州府及諸書處江

刻澤及劍澤子二相率見訪因留飲至申刻散散並記

廣雅疏證卷第九下

又六月廿申刻校而連終不絕
七月初九日又校經